

七百廿一



三十一

文苑英華卷第七百二十一

序二十三

錢送四



送張玄武序一首

送王及之容州序一首

送譚山人歸雲陽序一首

錢副大使李藏用移軍廣陵序一首

秋夜送孟贊府兄還都序一首



春於南浦與諸公送陳郎將歸衡嶽序一首

秋於敬亭送從姪崑游廬山序一首

江夏送債公歸漢東序一首

冬夜於隨州紫陽先生食霞樓上烟子元子隱仙城山序

一首

金陵與諸賢送權十一昭夷序一首

春於姑熟送四流炎方序一首

送待御充汝州李中承副使序一首

送王舍人歸壽春侍奉序一首

送祖評事赴黔府李中承使幕序一首

送杜正字暫赴江陵拜親叔父序一首

送温司馬進降誕方物序一首 送宗判官歸滑 臺序一首

桂林送前使判官蘇侍銜歸上都府序一首

送姜司戶赴宣州序一首 送李彛宰新都序一首

秦中奉送前涪城賀拔明府歸蜀序一首

送張玄武序

元結集撫

乙未中詔吳興張公為玄武縣大夫公舊友河東柳潛夫裴季安扶風竇伯名趙郡李長源河南元次山將辭讌言悉以言贈

上有勸仁惠卹勞苦之風下有惜離異成行後之諭 一作元子

聞之中有所指國家將日極太寧垂休八荒故自近年兵出漠

外訂者或曰西南少疫是以天子特有命也將天之命斯未易

然於戲蜀之遺民化於秦漢純古之道其由未知無置 一作此

焉 故字 姑取廢也如德以涵灌義以封植其教遲遠其人迎喁

至乎不可固未必也則曰保仁以敦養流惠以懷卹知其所勞

示其所安無以醜之當可然也潛夫聞之中興不樂歎曰吾嘗

與朋友有四方之異不甚感人如今之心多問其故對曰嗟嗟

子能有是言也吾故感焉行有規矣多無曰我四十於此無曰

我時祿位下哉公乃復曰當不於二公之意為異年觀會之方

也已敢戒行後敢自清慎終不遺朋友之憂何如於是醉歌中

堂極樂而矣諸公有贈遞相編次

送王及之容州序

前人

乾元初集作中漫叟浪家于灤溪之濱以耕釣自全而已九江之人未相喜愛其意似懼叟衣食之不足耳叟亦不促促而從之有王及者異夫鄉人焉以文學相求不以羈旅見懼以相安為意不以可否自擇及於叟也如是多之叟在春陵及能相遊歲餘而去將行規之曰叟愛及者也無惑叟言及方壯可強藝業勿以遊方為意人生若不能師表朝廷即當老死山谷彼驅驅於財貨之末局局於權勢之門縱得鍾鼎亦胡顏受納行矣自愛耿容州歡於叟及者見集作到容州為叟謝主人聞幕府野次久矣正宜收擇謀夫引信才士有如及者能收引乎二三子賦送遠之什以系此去

送譚山人歸雲陽序

前人

吾於九疑之下賞愛泉石今幾三年能扁舟數千里來遊者獨雲陽譚子譚子文學隱名山野隱身雲陽之阿世如君何牧犢愛雲陽之宰峻公不出南岳三十年今得雲陽一峰下况譚子又在焉彼真可家之者耶子去為吾謀於牧犢近峻公有泉集有山山石老樹壽藤縈垂水可權田一夫火可燒種菽粟近泉可為十數間茅舍所諸總通小船吾則集作則吾往而家矣此邦舜祠之奇恠陽華之殊異漣泉之勝絕見峻公與牧犢常一二說之松竹滿庭水石滿堂石魚負樽鳧舫運觴醉送譚子歸于雲陽漫叟元次山序

錢副大使李藏用移軍廣陵序

李白

夫功未足以蓋世威不可以震主必挾此者持之安歸所以彭越醢於前韓信誅於後况權位不及於此集有者字虛生危疑而潛

苞禍心小拒王命是以謀臣將啖以節鉞誘而烹之亦由集作猶

借鴻濤於奔鯨鱣生人於哮虎呼吸江海橫流百川左紫右拂

十有餘郡國討集作計未及誰當其鋒我副使李公勇冠三軍衆

無一旅橫倚天之劍揮駐日之戈吟嘯四顧熊羆兩集蒙輪扛

鼎之士杖干將而星羅上可以决天雲下可以絕地維翕振虎

旅赫張王師退如山立進若電逝轉戰百勝僵屍盈川水膏於

滄溟陸血於原野一掃瓦解洗清全吳可謂萬里長城橫斷楚

塞不然五嶺之北盡鉗蛇豕四字文粹集作盡鉗脩蛇勢盤地蹙不可圖也

而功大用小天高路遐社稷雖定於劉章封侯未施於李

廣使慷慨之士長吁集作呼青雲且移軍廣陵恭揖後命組練照

雪樓船乘風簫鼓沸而三山動旌旆集作旗揚而九天轉良牧出

祖列集作烈將登筵譎酣易水之風氣振武安之瓦海日文粹集作月夜

色雲帆文粹集作河中流席闌詩賦以壯三軍之士白也筆以老矣序

何能為

秋夜送孟贊府兄還都序前人

夫士有飾危冠佩長劍揚眉吐諾激昂青雲者莫不二字集作咸誇

炫意氣託交王侯若告之急難乃十失八九我義兄孟子則不

然耶道舍襟期暗親志乖而肝膽楚越鴻鸞鳳立不循常流孔

明披書每觀於大畧少君讀易時作於小文四方賢豪泣集作眩

然景慕雖常不滿集作過七尺而心雄萬夫至於酒情中酣天機

俊發則談笑滿席風雲動人集作天非嵩岳之集作騰精何以及此

白以弱植早飲香名况親承光輝恩甚華萼他鄉此別誰無恨

耶時林風吹霜散下秋草海鴈嘶月孤鸞翔集作飛雲驚竄動骨

曼瑟涕流集作洛涕抗手面邁傷如之何請各賦詩以寵岐路

秦於南浦與諸公送陳郎將歸衡岳序 前人集

仲尼孺人文王明夷苟非其時賢聖低眉况僕之不肖者而遷
逐枯槁固其宜耶朝心不開暮髮尽白而此者無登高送遠使

人增愁陳郎將義風凜然英思逸發來下專城之榻去邀才子
之詩動清興於中流橫文粹素波而逕去諸公仰望不及聯文粹

連章祖之序慙起予輒冠名篇文粹文首作者唾我乃為撫掌
之資乎

秋於敬亭送從姪崑遊廬序 前人

余小時大人令誦子虛賦私心慕之及長南遊雲夢覽七澤之
壯觀酒隱安陵蹉跎十年初嘉興季父謫長沙西還時余拜見
預飲林下崑乃稚子嬉遊在傍今來有成鬱負壯集作氣吾衰
父矣見尔慰心申悲道舊破涕集作為笑方集作告我遠涉西

登香爐長山橫躡九江却轉瀑布天洛半與銀河爭流騰虹奔

雷集作激集作射萬壑此宇宙之奇詭也其上有方湖石井不

可得而窺焉羨君此行撫鶴長嘯恨舟夜未就白龍速遲使人

着鞭先往桃花之水孤負宿集作願暫未歸於名山終期後來

携手五岳情以送遠詩寧關乎

江夏送倩公歸漢東序 前人

昔謝安四十年臥白雲於東山桓公累徵為蒼生而一起常與

友公遊賞貴而不移大人君子神契冥集作冥契合正可乃爾僕與

倩公一面不忝古人言歸漢東使我心痲夫漢東之國聖人所

出神農之後季良為大賢爾來寂寂無一物可紀有唐中興始

生紫陽先生先生六十而隱化若繼跡而起者惟倩公焉蓄壯

志而未就期老成於他日且能傾產重諾好賢士文即惠休上

人與江鮑往復各一時也僕平生述作罄其草而授之思親遂
行流涕惜別今聖朝已捨季布當徵賈生開顏洗目一見白日
莫相視而笑於新私之山耶作小詩絕句以寫別意辭曰路入
漢東國川藏明月輝寧知喪亂後更有一珠歸言歸漢東古木作興

言歸東路入集作夜美

冬夜於隨州紫陽先生飡霞樓上送烟子元演隱仙

城山序

前人

吾於霞子元丹演子元演氣激道合結神仙交殊身同心誓老
雲海不可奪也歷考天下周求名山人神農之故鄉得胡公之
精舍集作胡公身揭日月心飛蓬萊起飡霞之孤樓鍊吸景之
精氣延我數子高談混元金書玉訣盡在此矣白乃語及形勝
紫陽因大誇具集無仙城元侯聞之乘興將往別酒寒酌醉青

田而少留竟夢曉飛渡淥以先去吾不凝滯於物與時推移
出則以平交王侯遁則以俯視巢許朱紱狎我綠蘿未歸恨不
得同棲烟林對坐松月有所感歎集作然銘契譚石乘春當來
且抱琴臥花高枕相待以寵別賦而贈之此下集本相待有詩字

金陵與諸賢送權十一昭夷序

前人

斯高柄秦嬴世不二三傑伏草與漢並出莽夷朱暉耿鄧乃起
自古英達未必盡用於當年去就之理在大運爾我君六葉繼
聖熙乎文粹玄風三清垂拱穆然紫極天人其一哉所以風集
青雲之集本文粹無之字豪士散在商鈞四坐明哲皆清朝旅人吾希

風廣成蕩瀆浮世素受寶訣為三十六帝之外臣即四明逸老
賀知章呼余為謫仙人蓋實錄耳而嘗採姪女於江華收河車
於清溪與天水權昭夷服勤爐火之業久矣之子也冲恬淵靜

翰才文粹峻發白每一篇一札皆昭夷之所操吁捨我而南若

折兩集作翼時歲律寒甚集作苦文天風苦集作聲雲帆涉漢

罔若絕電舉目四顧霜天崢嶸銜杯叙離而群子賦詩以出踐

酒仙翁李白辭

春於姑熟送趙四流炎方序前人

白以鄒魯多鴻儒燕魏集作饒壯士盖風土集作之然乎趙少

公集作才貌壞堆集作志氣雄烈以黃授作尉泥蟠當塗亦猶

鷄棲鶴籠不足以窘束鸞鳳耳以嫉惡抵法遷于炎方辭高堂

而墮集作心指絕國而集作搖恨天與水遠雲連山長借光景

於頃刻開臺觴於洲渚黃鶴曉別愁聞命子之聲青楓暝色盡

是傷心之樹然自吳瞻秦日見喜氣上當攫玉駕摧狐狼洗清

天地雷雨必作自莫白日過照丹心可明巴陵半道坐見還吳

之棹今雪解而松栢振色氣和而蘭蕙開芳僕西登天門望子

於滄集作江之上吾賢可流水其道浮雲其身通方大適何往

不可亦何戚戚於岐路集作送李侍御充汝州李中丞副使序

任華

華州汝州兩京股肱郡也朝廷以股肱之郡非有股肱之才者

財不可造次任焉是以命華州牧兼御史中丞李公亟乘轅於

汝所以輟於華而急於汝者何盖由華已致理而汝又缺人又

缺者何不異其遷故也然則州有兵而刺史為之使使不可以

獨理爰命前監察御史李公為之副清泗上朝周之路絕漢東

封汝之心岐然長城蕃我王室亦在副貳之力也且御史仲兄

金吾將軍嘗處中司之雄職鎮於上洛之要地招我於芸閣之

上假我以栢臺之榮與華甚厚同於骨肉華見侍御如見金吾

方將遠別值余有大馬之疾不遂携酒灞岸賦詩河梁魂銷暮
雲心折秋草而已汝穎自古頗多奇士荀陳令族豈無子孫君
其善待之無忘推遷至如公堂閑坐對三十六峯或青雲半收
或新月初桂當有佳句時時寄來

送王舍人歸壽春侍奉序

前人

太子舍人王良輔時人觀之呼為玉人我心重之有如瓊枝今
隴西公卽舍人譚公一作侯之親也公尤哀而憐之情義同長兄
禮秩優於諸弟夫如是豈得為萬里之別乎蓋以舍人急於倚
門之期切以趨庭之戀若之何因留之贈言贈言伊何莫過於
勤孝立身伊何莫過於守正而已秋天壓溟海白波走洞庭後
期何日帳惘一作恨援聲

送祖評事赴黔父李中丞使幕序 前人

自武陵守擁旄分閫有唐已來李公一人而已自非忠義特達
有文武才畧者曷以致茲公以黔巫之地西空微瀘彭濮東接
桂林象郡北漸巴岐南馳滄溟蓋蠻夷獷俗罕遵聲教必籍於
幕畫而詳延祖生豈伊異人卽我府主隴西公之家客也方將
表於金闕而加之鐵冠適會有黔中之命相繼而至夫天下之
寶當於天下兵之况黔中桂林兄弟之國又何間然哉俾朝廷
知黔中得人與桂林得人何異出錢何許舜亭峩峩凭檻窺鼉
鼉之屈醪酒滴魚龍之背金石絲水雖有秦聲青山白雲恨非
吾土華承命製序因贈以言不慮吾子以忠貞為本人當指縱
不選地感恩不顧身死見賢良則引而薦之勿憚勿疑見仇怨
則報之以德勿瑕勿疵吾常以此為終身之寶今以終身之寶
贈君以謂何如也

送杜正字暫赴江陵拜覲叔父序 前人

吾見驥子齟齬之時愛其神清知其才清今果爾也須漂淪荆楚既孤且求貧食於誰託身於誰莊莊未獲所寄及遇我隴西公獲所寄矣公以故人之子憐而收之去溝壑而寄乎南山罷轉蓬而蔭於堯理君子曰隴西公在正字為不孤已今離叔父頰久暫歸阮家之巷感知已原恩尋赴李膺之門華與臨別撫其背曰高門積慶無忘乎聿脩厥德大名難繼宜具自強不息念哉

送温司馬進降誕方物序

前人

昔者黃帝生於壽丘文王生於岐陽數千年間以為盛美况我明主感龍而生如鳳之鳴黃河為之清率土為之寧豈壽丘岐陽足云哉是以四方牧守咸獻方物用賀南山之壽長居北極之尊今此邦使乎誰膺慎擇則司馬温曠其人也曠相門子温具如五德備焉堅其如金百鍊成焉既出彭彭郡公追餞於北郭草亭巖窈群峯疊出青石逶迤秋水下藏碧沙對此為別歡酒而已

送宗判官歸滑臺序

前人

大丈夫具誰不有四方志則僕與宗袞二年之間會而離離而會經途所亘凡三萬里何以言之去年春會於京師是時僕如桂林袞如滑臺今年秋乃不期而會于桂林居無何又歸滑臺王事故也舟車往返豈此三萬里乎人生幾何條聚忽散遼夏若此抑知已難遇亦復何辭歲十有一月二三日子出錢于野霜天如掃低向朱崖加以尖山萬里平地卓立黑是鐵色銳如筆鋒復有陽江桂江畧軍城而南走噴入滄海橫浸三山則中朝

群公豈知遐荒之外有如是山水山水既爾人亦其然袞乎對此與我分守忘我尚何豈得忘此山水哉

桂林送前使判官蘇侍御歸上都序 前人

桂林秦所置郡也南臨天池東枕滄溟西馳牂牁北走洞庭三千地方里帶甲數萬萃實五府一都會矣連師之任朝廷難其人往年命御史中丞張公公號為稱職去年又命我以佐之初張公受命之日以為五嶺荒服不同於他邦百蠻獷俗不可獨理乃薦武公蘇幹自秘書校書郎除金吾掾攝監察御史以佐焉幹其幕中多所匡輔洎張公家難去職幹統其留務凜其正色操持紀綱而十州之地晏如也洎如疑我公至止觀其迹而羨其政將表請焉幹辭以父辭墳墓不見兄弟已六年願得生入武關一到闕下足矣公之或筵於西堂或罇於東樓或饌於

亭臯

一作高亭

凡飲餞之盛未有若此之綢繆者也且予有善公為

揚之且予有功公為叙之予有患公為排之予有屈公為伸之亦何異脫騏驥於塩車擲秋鷹於天畔乃騰騁難料擊搏在即亦足以決意矣且爾兄吾兄也爾身吾身也雖萬里為別何別之哉雖然不滄恨儻見二相國當為深陳江嶺安危之体焉料子不見潘庶子因登高把南望千峯白雲離披橫在山畔與我疇昔所子豈有異乎由是益令人思歸北

送江司戶赴宣州序

前人

士莫不伸於知己屈於不知己須姜生以調集不偶薄言東歸乃告辭於吏部徐公公素知其才惜其去竟不與之別無何授宣城掾得不謂小伸於知己乎秋天曉晴碧如掃摸度一鳥時時行雲益令姜生有懷吳會况還家循陔之慶移一作府有牒

辟之命哉。際與斯人，曾未覲正。其友人姜一作公正，範與余善。邀余序之，範誠以我筆手家流，則不知姜意以為如何也。

送李彛宰新都序

宗室後進，有以學術辭藻著稱者，彛也。少好學，通九流百家之言，善屬文，頗有大節。去年制舉，不捷，無何以書。歷抵二相，因論安邊術，由是召試西掖，凡類十百人。彛與莊若訥、高郢同入，高等何垂翅於制舉，而奮翼於西掖，我蓋道之屈伸，命之通塞，各有時也。執政以彛大人在蜀，故授新都，以榮之。彛豈不欲高步臺省，時時與朝廷郡公談笑，所以俯就遠縣，蓋為大人屈耳。秦雲滿天，脩緊忽散，與子分飛，亦爾也。古人別遠，貴於贈言。子昔為什邡令，蓋鳴琴不下堂，而理令領新都，則異於彼焉。蓋以廬井戾於焚後，後後疇瘡於刁箭之末，樹立存育，洪惟艱哉。况奔

衝畫夜風雨，誅求供應，旬晦山岳，其親庶務，則宜載星而出，載星而入焉。其接賓客，則宜一沐三起，一飯三吐焉。此朋友之望也。如月照雪峯，花飛錦江，當有新詩復寄來，念之哉。李生

秦中奉送前涪城賀拔明府歸蜀序 前人

吾嘗以忠孝禮義清慎此六者，士君子立身從政之道，而兼之者，稀涪城兼之矣。何以知之？嘗糾余郡，又宰吾邑，每升其堂，以觀其政，况不以編戶遇我，而以國士待我，情願交深，貫於金石。自我不見于茲五年，長安相逢，如自天落，而喜可知也。公以時命未遇，一作偶駕言于歸南山，巖巖分我鄉之南北，秦雲日暮，類吾徒之聚散，况公之仲兄季弟與余為忘年友，涪水春風，巴山秋月，靡游不同。又阻山陽之歡，又此梁河之別，二事交戰，祇酒一作醉我心。今紫微郎常公朝廷之詞伯，而公之舊也。君其請賦

一詩以大誇西蜀父老矣

文苑英華卷第七百二十一

登仕郎胡柯 鄉貢進士彭叔夏 校正 賈長金百

文苑英華卷第七百二十二

序二十四

錢送五

薦福寺後院送辛嶼尉洛郊序一首

送李審秀才歸湖南序一首

重李審却赴廣州序一首

送標和尚歸南岳便赴上都序一首

送處上人歸會稽觀省便遊天台山序一首

送魏七秀才赴廣州序一首

夏夜對兩送李玕擢第還鄭州序一首

崔中丞城南池送徐侍郎歸京序一首

送成都成少尹赴蜀序一首

送吏部杜郎中兵部楊郎中入蜀序一首

送賀若負外巡按畢歸朝序一首

送常負外充副元帥判官之東都序一首

送穎川李使君赴任序一首

送澤州李使君赴任序一首

送餘杭薛郡守入朝序一首

送孫侍御赴鳳翔幕府序一首

送王判官赴福州序一首

送洪州李別駕還任序一首

送常評事赴河南召募畢還京序一首

送宇文協律赴江西序一首

送常司直還福州序一首

送廣陵許戶曹充召募判官赴淮南序一首

送六合林明府清白名聞上都赴選一首

送陳留張二十七少府郎東都赴選序

薦福寺後院送辛嶼尉洛郊序

任華

一昨渭北節度工部尚書臧公表薦辛嶼尉洛郊蓋知嶼事親

以孝聞與朋友以信聞於吏道以幹聞不然非所聞也秋七月

將之官乃胥命於此寺後庭蓋所以破臨岐之妄想銷操袂之

煩惱也僧院少客蒼苔滿地終南晴曉洗然黛色日暮飲罷鍾

聲傍出一作贈言日子之叔父以清白著稱歷踐臺省官至二

千石子其刻已自勵無墜叔父之風操袂操疑作搯下同

人草書參作景韓集舉正云晉

送李審秀才歸湖南序

前人

平西原之歲隴西李審自清東來方甚清氣甚和節甚奇心甚

高僕是以恨相知晚也秋九月又言歸於湘東衆君子出錢于
北郭碧峯巉巉出於栢梢有如虎牙夾天而立加以白日欲落
桂在巖半橫照灘月帶微明一作一帶操袂于茲揮袂于茲恨
無崑山片玉以相贈贈君桂林之一枝審再拜曰幸甚

重送李審却赴廣赴序

前人

吁嗟乎蒼梧之片雲或隨風而西片雲既如是孤客亦如是昨
日李生言歸湘東今日李生將赴南海昨日今日豈有二李生
乎亦猶前日蘇秦與今日蘇秦不殊耳所以然者何耶蓋乘流
則進見機而作明有志於四方非疑滯於一途其中或有不得
已之事亦不恠有也昔孔丘嘗為東西南北之人張儀亦為燕
趙齊楚之客其已乎滄波遠天混和暮色孤舟一去曷日而旋
歸哉

送標和尚歸南岳便赴上都序

前人

南岳有大比丘其名曰道標性聰惠一作慧穎悟通於禪門精
於律議善於說法該於儒術是以禪師伯之律師仰之法師宗
之儒流服之自登戒壇凡四十餘夏致弟子彌漫於江嶺間不
下萬二千人不然安得前後連率新舊岳牧莫不嚮風稽首焉
屬我中司隴西公方崇東流之法化南越之俗是以惠然杖錫
而公待一作得之禮敬甚厚前隴西公曰維摩經不云乎法無住
來常不住故金剛經不云乎應無所住而生其心每念雙林樹
下將歸乎湘東郡又憶王舍城中當詣於漢北關公難為其意
悵然久之乃命幕中樂安任莘為之序序云彼上人者甚為稀
有方以般若為舟而浮于洞庭以大乘為車而遊于京師皇帝
深信釋氏必將延入內殿問以祕藏豈唯將相得歸依之地王

侯發迴向之心而已乎王疑曰如吾言焉

送處上人歸會稽觀省便遊天台山序 前人

國書所載名山如天台者鮮矣故老萊遊于斯應真遊于斯處上人亦遊于斯老萊崇於孝孝者也應真崇於道者也二公之美上人兼而有焉上人緇侶之澄肇詞場之沈謝讀書貝葉能了於空淨如蓮花不着於水不然安得衆君子禮敬若是焉言歸膝下則孝名為戒將遊物外而朗詠長川豈徒蔭長松以隱身承瀑布以洗足是將探掇靈藥搜訪仙經歸獻北堂永同西母也鏡湖秋月當見色空稽山片雲能引詩興剡溪白鳥知爾無機雲門踈鍾訝君來暮豈不謂然邪今朝贈別桂林花洞白烟濕架裳處上人與君各在天一涯

送魏七秀才赴廣州序

前人

此邦詞客往來亦云多矣其有論詩則為詩人對酒則為酒徒如魏秀才元稹者不可多得况爾兄殿中侍御史萬成吾友將為遠別豈同他人江亭暮天勿辭一醉醉後解纜則月照滄海猿啼碧山其柰爾何

夏夜對雨餞李玘擢第還鄭州序 前人

今年東都秀才登第者凡十數人隴西李玘為之稱首且宗伯方以拔淹滯愍勤舊為務而玘則年甫二十餘豈張公意耶具如考舊文則上等試文策又上等欲以年少弃可乎不可也朝廷由是翕然謂張公之用心也周選才也當不膠柱於一途耳夏五月李玘將歸于鄭我中司李公惜明晨東郊之別成此夜西園之會桐葉滴其踈雨竹枝鳴其夕風夜酒既醉俾我小為之序

崔中丞城南池送徐侍郎歸

集作還

京序

獨孤及

侍郎昔為河南督河陽今其解龜也東人思其遺美今出入夷

險歷二十餘

集作北字

載而一來廳樹未老佐吏半在公位望章綬

輝光城邑觀者榮之而東都主人亦以籩豆醴宰微會脩好之

不暇凡萃止有十五日而去去之日主人歎瞻仰

集作佇

之莫及

也故又釀酒于此池池上有雙彩鱸與竹齋對布賓主位于罇

之左右而蘭臺金閨建禮承明之英十有八人序列其次池外

有關塞雙嶺遙作外戶嵩高逶迤數峯當窓伊洛春樹若刺繡

布錦桃火燃顧我則笑於是遊眺之不足則舉白以相勸而狂

歌送之唱棹鳴榔簫鼓陳乎其間醉中疑三江五湖去人不遠

謂千慮萬事無非妄作况少別可以興愴乎但駟馬行塵明日

將遠登而無賦謂罇酒何宜歌而詩之且以見追攀者之心也

二字集作志

送成都成少尹赴蜀序

前人

歲次乙巳定襄郡王英又出鎮庸蜀謀亞尹僉曰左司郎成公

可温良而文貞固能幹力足以參大畧弼成庶務既條奏詔曰

俞往公亦

集無亦字

朝受命而夕撰日卜十一月癸巳出車吉尚書

諸曹郎四十有二人歎軒騎將遠故相與載籩豆醴宰封羊鱠

魴脩飲餞于肅明觀以為好飲中客者賦蜀道難者公曰士感

遇則忘軀臣交中則忘家

姑務

忠信夷險一致患已不穢于位於

行邁乎何有言訖扞手建節即路且以愴

集作紡

悅刀礪侍輕軒

而西凡強學以脩業積大夫取位赴知己不為名適四方不違

親鄉大夫之孝也吾子其無忘可移之忠將咨度是務使岷峨

其又苛慝不作天聽自民誰謂蜀遠別細故也豈薑芥乎凡今

會同非詩無以導居者之志

送吏部杜郎中兵部楊郎中中入蜀序 前人

二公罷東西之集無曹草奏啓事之劇而叅軍西南時人或譏

朝廷易其大難其細及以為不然方今天子命將帥以守四方

丞相秉鉞為唐南仲擇佐命介宜先才者賢者事孰大焉彼採

薇出事以遣彼勞動我則異於是受生命者不言勤赴知己者

不愴離今日斗酒姑展交好遂以道吾子集無四方之志亦使

滿坐歌二公乎

送賀若貞外巡按畢歸朝序 前人

今年春上以富人侯為丞相百揆時叙九州賦錯方欲齊職貢

之法崇底慎之典使六府脩九序成尚書吏部郎中集無賀若

公貞明直躬特達公器才足以愬功政事足以弘道救物故俾

繡衣特芥巡撫江介分王命也公電發神機霜淬智兩其始智

也間証俗省疾苦命司書視年類之上下削邗縣之版圖每其

衆寡以差井賦然後勞米安集宣皇恩而煦之飢者如得食寒

者如得續使苞茅之貢必叙而杆軸之詩不作冬十二月命群

吏致事言旋于京帥且將捧府檄於南陔侍版輿以西上禮也

夫其由自家以刑國資事親以事君奉慈訓不廢陳力將君命

不違色養忠孝之大者况姦冗已殄集作于戈將戰朝廷方以

律今章程責成三府然操六轡驟四駱周爰咨詢以成天下之

務在是行乎翰飛方騁瞻望何及唯獻熟集作東閣弼成大猷

使蒸人粒海水靜農夫高枕及亦預焉凡集作子路岐者

請偕賦鴻鴈取之子于征劬勞于野爰及矜人哀此鰥寡以為

善頌

九序成此下集有謂子

送常負外克副元師判官之東都序 前人

大尉臨淮王之秉旄淮沂也天子命公為介洎臨淮薨而相公

集作大原公繼授兵符盡獲東夏諸將亦表公叅成周軍事如

初命故事官至左右掖垣不驅傳不就辟者不驅傳居諫臣者

不就將使其能必易其秩故自左補闕為尚書郎元年仲春始

以使節赴洛陽經大盜虜劉文餘頑民雖遷汙俗未返三軍之

心注於師下師字集之耳日屬於叅佐以公真諒文敏能恤大

事且成宣之後也故以部從事咨焉夫民殘則訛訛則流莫若

以德兵不戢則翫翫則暴禁暴莫若以信建信與德以為幕中

之畫繫吾子是英將賀不暇別於何有我飲錢者以姑以詩伐

路車乘馬

送潁州李使君赴任序

前人 見集本

公之為潁州也朝廷以不失人馮明潁人以得父母為幸公獨

以去色養為戚故執事者難之其公謀者則曰受命忘家公也

愛親讓祿私也君子不以私廢公不以孝弃忠况國家方親親

尊賢而潁人僕帥之曰可以此時急聞禮而緩君命乎公曰諾

然後明日朱兩轡而東竭力致身之誠於是乎全矣方當輯寧

瘦人襦而袴之且共大正事而小行役豈但暑之熱遠道之思

與前期之難足攬曾臆賦詩勗別予以持贈

送澤州李使君兼侍御史充澤潞陳鄭節度使赴本

道序 前人

今歲皇帝擇可以守四方之臣分命大司徒涼公作鱗沂集作

陽平秩西夏涼公季弟曰抱真敬事好學仁勇忠信凡仁則不

偷勇則不撓忠則能宣集無力信則人任焉故天子器之方倚

以胥附使宅高平綏厥有衆董次將之任且以柱後惠文冠冠
之詔下之曰軍府胥悅蓋蕭何守關中舉宗諸軍而涼公荷方
邵美華有之寄亦以愛弟居旅于行間忠之大者夫高平上黨
之地當趙魏燕代潞之咽喉太山恒山為之襟帶公居有專城
之任行有亞旅之職其畧足以固其封疆其惠足以柔其民人
勗哉夫子進吾也伯兮仲兮執兵之要謹身以肥家以形國高
平之政可以未行而窺矣彼瞻望佇立壯夫耻之非歌詩莫足
以贈

送餘杭薛郡守入朝序

前人

有大道者遺小成之迹抱宏畧者非曲士所見公嘗以匪躬之
故三入承明時議用舟楫期公者七載矣而猶建隼河壻洗幘
江島興具錦之歎詠跋胡之詩豈不以名至盛德至廣而厦材

多節夷若類

英華作類非

乎今天子受宣室之釐忽思賈誼以謗書

之蔭先示樂羊且搜玄珠俾詣丹闕則巨鱗方縱未可料也雖

欲抱黃老

英華作子非

之術與赤松子遊公器所歸南乎免於珪組

矣夏五月弭禫雖澳詣車而西火雲成峯郊草如織誰謂秦遠

跋予望之有以見升青

集作赤

霄捧白日在此行也謂攀四牡者

各賦南山有臺之四章取樂只君子德音是茂以為志

集有之爾二字

送孫侍御赴鳳翔幕府序

前人

右扶風之地跨枕隴蜀扼秦西門帝命司從為方叔開府之日
搜賢自貳於是孫侯以監察御史領司徒掾夫子鄉族也用文
學縉緒而弟兄材伯曰宿以秋官郎辟丞相府仲曰絳拾遺君
前及余為寮夫子則以貞幹肅恪之能入主方書出佐戎政花
萼灼於三臺時人榮之二月丙午乘傳詣部人謂扶風於是乎

有三幸獲白額而南山有採藜藿者一幸也先是司於南今夫
操兵者如虎而司徒仁而愛仁二幸也其府君則賢其幕府多
士而孫侯喜之以文德三幸也恪於德以臨事度於集作義以
徒政力於忠以成績吾子勉之其蔑不濟矣士為知己者用豈
干榮乎請居者歌之特賦行邁

送王州官赴福州序

前人規集

松梓榲桺茂於深山不能逃匠石之顧賢士君子晦於言迹不
能使人不己知其勢然也之子言忠信行篤敬以文雅麗則括
而羽之而世皆觀頤我猶儉德吾固知長風六翮必有時而去
及御史大夫季公之命介也辟書四下果以嗣宗為首歲二月
載驟四駱脂車而東閩中者左海右百越嶺外峭峻風俗剽悍
歲比飢饉民方札瘥非威非懷莫可綏也議者其謂君臣戎幕
以義佐師律以禮報國士以直導罷人以德使安危懸於指掌
勝負決於談笑則咨謀之道弘矣豈椎髻殊俗覆車畏途足以
志士之怵惕哉凡我出祖者亦既借賦

送洪州字別駕還任序

前人

別駕者集作嘗宰三縣佐四郡未始不以廉直為己任亦未始
以廉直術己名士有餘力則竒傲於琴趣遠是以曲高意精是
以聲金得於心而形於手故非外獎所及當其操絃如操政焉
時人知其琴不知其政善而無代光而不耀故也今也來思集
思上台解榻卿大夫士從之如不及時曰觀操縵之妙可也見
從政之道是行也吾子其懋脩乃德恪儆爾位夫亦將抑將不
暇求於何有繼揚二字集作郢音明旦將遠廬峰溢水大江間
之間景可同而聽不可共由是眾君子賦詩以狀別且曰備拆

橫揚集集

莘之韻用抒他年之相思

送常諱事赴河南召募畢還京序

前人

自唐蒙司馬相如開牂特

漢書作牂柯

鑿零山於是西南夷君長始

受漢印及國家綏以大道振以長策滇越印楚亡亦皆為外臣

蠢茲六蠻獨抗王旅天子方將開外戶掃絕漠故受相國衛公

鉞俾出作方叔入為吉甫且募如魏之介士將剪長地之速飛

由分命我廷尉評事常公實佐其任公以上戈論之秣薇歌之

使政有典則人知義所故燕齊少年韓魏勁卒召募如景附赴

敵如焱馳自春至於月受命羽檄之下凡萬八千計然後頒

賜算級將朝于京師夫勤王集事之謂忠周爰咨詢之謂智復

命而不愆集非于素之謂信姑樹三德載馳六轡行當以柱下

之書贊幕中之畫是役也冥冥羽翰非瞻望所及矣請俱集作

賦以知魏風

送宇文協律赴江西序

前人

復周正之年天子以潤州刺史張公林

集作休

為豫章收

牧集作文守

豫章之人既庶且富部從事縣大夫缺而不補先以檄徵協律

於會稽時人皆賀豫章為賢協律之遭遇君子則曰夫子有

集作餘他不啻切玉割集作封集作小心而用其銛無乃不可乎夫子

日不然蓋其不患秩卑而患已素食不患國士之不我遇之而

不答苟有用我者吾其為執射乎於是舉帆西陵是日于邁然

後知大夫之感義而不私

集作思

其身也于越

集作域非

長路江臯暮

沉吟秦山悽愴鏡水豈不知今日斗酒明旦不共顧懷安敗名

無勇也然別傷遠非丈夫也苟將申其道而成其務則萬里咫

尺少別何有二三子其詠歌之以代雜佩大夫

集作大夫

送常司直還福州序

前人

遠別非難行路難行路非難相逢難始者與吾子會于撫以吾
一日長乎子子嘗敦弟兄之好而不吾先自雲搖雨散凡四悲
秋而一會面亦既道舊別又繼之斯亦可以愴矣然君子患德
之不建集作不患人之不我知吾子克慎厥身以荷先大夫之
覆露肯然將命為邦司直被服文行而銜礪之揚其家声吾唯
子之望豈行邁與聚散足貽志士之忻戚乎是別也祇以歌詠
貺吾子而已

送廣陵許戶曹充召募判官赴淮南序

前人

冉駟不庭三年矣王師戒嚴將問罪荒服於是上將分職慎選
乃僚以許公有特斧舊名斷犀餘地故授以戎政俾發卒于東
夫三河之人豪全齊之人武荆吳之人悍籍其餘勇可以盡敵
信以致知繫公是賴然則論王命敦師律度程以料民徵騎
以濟衆歌事以遣役輯謀以定功在是行乎高天脫秋殺氣動
地靡靡岐路悠悠旆旗送離如之何賦小戎以為好

送六合林明府清白聞上都赴選序

前人

今之為邑者祇事趣辨而已矣之子獨以公廉不苛問於朝廷夫
公則能廉集作廉則不苛集作不苛則無害六合之人飽是三
德故家肥人讓而名隨之集有其黜陟考績集作之日首冠華
作守賢能之選也且哉上方勤恤人隱渴良吏如不及之子令
問將與位偕行當見函洛春物迎馬首於千里之外勿謂蕪城
衰草足愴遠別二三子何以持贈其歌詩乎

送陳留張二十七少府郎東都

赴選序 前人

每歲孟冬集作大家宰懸象魏之法以官民材天下髦士於是

乎雲屯詞鋒角立智刃今子投袂而起將鼓行乎其間以嚴樂
之材力利商周之衆賓集無此其於湛盧發硎批郤如玉繁弱
在手捨拔則獲者吾惟子之望當知君子廣其業達其道則榮
譽貴仕可得而捨區區秋風瓊瓊岐路又足為志士之感哉六
字集作嫺嫺秋風悠悠雜佩可以申永懷罇酒可以慰別緒共
贈之言分顧謂集作座者志之

文苑英華卷第七百二十二

登仕郎胡柯 鄉貢進士彭叔夏 校正

文苑英華卷第七百二十三 序二十五

錢送六

- 送渭南劉少府執經赴東都省覲序一首
- 奉送元城主簿兄赴任序一首
- 送開封李少府勉自江南還赴京序一首
- 送弟恂之京序一首 送李白之曹南序一首
- 送薛處士業遊廬山序一首
- 送張處士申還舊居序一首
- 送史處士歸滄陽別業序一首
- 送張徵君遊江南序一首
- 前夏千越亭奉錢常卿使君公赴婺州序一首
- 仲秋奉錢蕭郎中使君赴潤州序一首

送張都督赴嘉州序一首 送郎中赴蘄州序一首
送李員外入朝序一首

送峽州劉使君忠州李使君序一首

送賈中允之襄陽序一首 送太子僕馬公序一首

送趙評事赴東都序一首 送譚正字之正都序一首

送劉協律序一首 送紀奉禮之容州序一首

送李校書歸江西序一首

宴錢崔十二弟校書之容州序一首

送蘭舍人兼武州長史序一首

送蘭侍御使還序一首

送渭南劉少府執經赴東都省覲序 獨孤及

彼徇名者遭時多故乘地高勢罕不爭先著集無鞭而集無務

飛速以誇當代獨吾子以文行裕盡思不出其位奉籛金之所

遺羞地芥而不拾其初筮仕集作也典校祕書祕書之職脩尉

干渭南渭無糝政歲二月以紛悅觴燧歸覲于落白花之戀也

和氣用事春物滿眼之子于征五綵其服想成臯花合穀落水

大是吾子拜嘉慶問清高之日歟夫克家而家肥策名而名彰

居官而官辨孝之大者則 貂蟬羔鴈在子外府姑務遠圖

何嗟少別到落陽為我寄聲謝鳴臯故山杼離如之何詩以贈遠

奉送元城主簿兄赴任序 前人

往歲兄之尉鉅鹿二字集德刑成禮義舉糝政杜紊綱緝人日

莅民如此其達一作必大十四年春王正月再命于元城元城

地椎人悍土壤賦錯處宋衛中山燕齊趙魏之都會三川輻湊

四術穀擊兄方以德舉吏此大都集作則十里之迹兆於是矣

彼徒勞者其騫翥之濫觴乎歲物已春秦山草綠集作日綠亦既選使伯氏仲氏偕詠歌之以贈行邁集作選吉駕言徂東豈不知棠棣之詩廢則和樂之詩集作好缺盍

送開封李少府勉自江南還赴京序 前人

世或謂邦有道穀或謂金於德者不以徇名降志彼於致命猶數數然孰與李侯兩忘而昭合之張其天機與道出處道長則陳力筮仕續成而退藏於密戰勝江海之上然後乘歸流而返舊京乃知凌雲麗天則玉利器於夫子為鄧林之一葉耳而精微純粹其中士所能得其門哉然當今堯親九族契敷五教材之美者工將度之子雖忘機機未忘子庸詎知泥蟠沙臥不為雲霄之鑿柄乎但蘭舟桂楫倏忽鳥逝朔風集作方秋草奈離憂何緣情者莫近於詩二三子盍詠詩以為贈

送弟恂之京序

前人

蒼龍居玄枵之歲與爾吹填荒於長安靈臺之下當時爾方青衿余適統袴各志小學相期大來其後爾以經術薦遂觀藝乎集作光於上國余牢落兩河為病所繫星分雨散十有二載中間暨携手一笑者及今二三年五字集作及今而三昨日遊寓今成疇昔此會綿邈空在集作存夢想豈不欲申橘袖之性詠和樂之什樂未終也別又繼之然君子脩誠則物應克已則名彰爾能珪璋特達甲冑忠信致逸足以千里吾有望焉方務遠圖何嗟少別到秦地有問吾事者為報江湖間心

送李白之曹南序

前人

曩子之人秦也上方覽子虛之賦喜相如同時由是朝詣公車夕揮宸翰一旦襍被金馬蓬累而行出入燕宋與白雲為伍然

則適來時行也適去時止也彼碌碌者徒見三河之遊倦百鎰之金盡乃議子於得失虧成之間曾不知才全者無虧成志全者無得失進退於道德乎何有是日也出車桐門特之集作將駕于曹仙藥滿囊道書盈篋異乎莊鳥之辭越仲尼之去魯矣送子何所平臺之隅短歌薄酒擊筑相和大丈夫各乘風波未始有極哀樂且不足累上士之心况小別請借賦詩以見交態

送薛處士業遊廬山序

前人

薛侯敦於詩固於學敏於行時然後言言而寡尤口不言祿祿亦不及識其真者已集作以為求歎而薛侯居之澹如君子哉若人也方以城市鄙於丘壑倦遊不如嘉遯是月也拂纓上之塵西遊廬山山上有峯頂大林下有東林西林化成英華作城非遺愛六寺慧遠道生二公昔嘗眷戀於斯焉履痕屐齒遍滿崖谷神

期嚮恒若對面之子之往獲心契矣苟藏器於身時行則行大之將來隱顯一致彼安貞者其或有集作為利涉之樞機乎趙補闕驛王侍御定張評事有略各以文為貺記行邁之所以然余亦持片言用代踈麻瑤華之贈

送張處士申還舊居序

前人

海水不揚波久矣故昆蟲草木得遂本性夔益巢許集作許各安其節天鍾靜於子而博之以文洞集作大壑無底虛舟任觸世皆尚白獨守太玄顧流俗而不言退將脩乎初服吾於是見全人之操矣集作乃知白雲上下蓋無心自出黃鸝飛去當有時而來他年孤舟莫再會於五湖之口

送史處士歸淦陽別業序

前人

初是侯至是集作自帝王僕方醜酒於蔣氏之館揖讓堂下由東

階升於是一酌而賓禮舉再酌而交態接三酌而威儀幡幡深
秉畢見醉裏集作投分客中忘形吾固知握手難常嘉會可惜
其聚也言不浹日而意氣感其散也興未及盡而離憂至則臨
觸徒倚孰能不以之黯然窮陰欲臘漳淦冰厚班馬連斯歸雲
無色非詩何以見離群者之志

送張徵君遊江南序

前人

初貞元二年進賢星明於是夫子與廣陵馬曾俱以玄纁辟焉
一命而俯受服赤墀之下子守集作節不棄歸耕南陽議者稱
馬之利用陋子之獨善及以為不然君子之道舒之則雲蒸雨
降以救大旱卷之則天倪道機不盈一握姑務忠信以安聖時
則歌國風於吠吠是以為政有民人焉有社稷焉何必薄遊然
後稱德至是夏六月以菰菜之興扁舟而東是行也與夫乘桴

揚舲者不同日矣津樓望極

集作

江漢在目少別非志士所悲

深衷豈章龍見桃源秋至僕當塞其仙實俟子於武陵之南溪

首夏干越亭奉餞常卿使君公赴婺州序 劉長卿

今年春王正月皇帝居紫宸正殿擇東南諸侯以我公為少光

祿自姑蘇行春於東陽愛人也頃公之在吳值櫓槍構矣南犯

斗牛

集作

波動滄海塵飛金陵公夷險一心忠勇增氣四面皆

敵姑蘇獨爭臥早霜天洗兵寒水竟使浙西士庶不見煙塵公

之力也朝廷聞而多之以為姑蘇之人已埋東陽之人未化是

邦一作

也且裁卿月既明仁風載清出入數藩從容九棘在虞

秦而皆知豈滕薛而異名頌聲洋洋實此行矣干越便道金華

前山梅花過時槐色獨

集作

在白雲芳草盡入詩興公實秉文

律將

集作

為詞雄透迤退公知八詠之有繼作矣

仲秋奉餞蕭郎中使君赴潤州序 前人

皇帝臨軒旰食憂濟在人擇良二千石與之共理民有疾苦得
以安之吏有侵漁得以去之為風化之本繫黎元之命不其難
哉故內外闕官自卿大夫已下多責成元輔唯剖竹分符寄決
在禁中又以政貴有成化難數易至於至行超異公論當徵但
增秩賜金或移典大郡而已由是我蕭公建準茲地化行五年
漢庭群公方待以右集作美職而竟有南徐之命蓋天子憂遠人
而緩徵拜也公才可以濟物德可以化人五行之用備四時之
氣足不立法而去弊不禁示而止好寒者有食百城萬井若百
集作衆草之得陽春亦不知其所以然而然也詔書既至公乃向
闕北拜嘗章遂行南徐之人望公如歸北拜之人去公如失千
騎照路出於東効男女滿野壺漿更奏泣涕以送集作涕邀遮
泣如雨

以留或攀我車或維我舟臨風鳴笳慷慨高秋君子是集無謂此字
有古人之遺愛矣凡工文者得無詩乎

送張都督赴嘉州序

于邵

伊人之平康由我有專達否則政弛人何賴焉在昔漢宣永懷
至理思與二千石之良者共之貞深一作意孫其元以化天下非道
熙陟降理際天地一作人則不可膺是高選尚書僕射異國公審
才以底用論定而後請將欲更蘇息復整齋且如張公無出其
石繫受則為惜但彼嘉陽之人所盜多矣况學致廣大心自精
微議通置法若示諸掌一舉雲翼三十為郎分兵領部義然後
取公以之才大時論用小以今之多艱乎謂用大則用之大用
小則用之小在我而已抑無惜焉良月撰吉輕舟既具長空青
冥未有黃落緹騎百從載旌而前戈予生風左右如武且犀灘

古地熊追外虞通波萬里并客攸攝其無以易者蓋思無邪耶
嘗察為心望此行矣幕邀餞三軍助較一作樂只君子如何可
忘而後利涉信宿人歸父母其顏渥用下令如春受教賜知常謀
始疑不決年而國賦足軍實倍啟迪恢達為諸侯雄

送王郎中赴蘄州序

前人

大君當宁之七載也日月於降委有詔尚書倉部郎中王公恭
寬敏惠出典于蘄蘄之上有單車外賦有牙幢兼領思與良二
千石共理者朝廷久之亦既俞允茲僉屬曾未決辰抗手言邁
惜此別易合宴公堂期其出郊予以送遠且觀坐彼一方困於
無告誰為禁暴聞公知歸邦非人則不寧政無從則奚措今所
往者人安之哉公之下車魯是為念以公之素範不敢言利因
公之善價無乃近名惟名之惟得是累將善救物繫公莫焉然
後道達其知發萌以慮化行無二當借寇恂理平弟一更徵黃
霸他日之會賓寮有光悠悠旆旌灑灑春物想青林之漲水見
黃石之平磯佳興未孤前期猶邈賦詩追餞者翰林之故事吾
何間然

送李貞外入朝序

前人

食租衣稅王者之常賦自至德改元之後兵連天下軍用仰給
四方諸侯各有戎事將發內布外而王命急宣不容皇華無以
專達前十數輩皆課登而旋今尚書戶部郎李公中朝駿選次
董斯任以西蜀最大南縣多賈委之斯來予以歲事是以數年
于茲率多前功冀公憂國忘家一心同德方錫貢以納貺度於
常筭故泉穀之分必先此矣疑作于上京然及方鎮遂能入
者億計行者接武秦郊不闕恃此更費冀公之勤於國本也如

此李公之達於時用也如彼使乎誰務將膺對敷挾西驂以戒途歌四牡而復命北驛開錢中軍宴私滿院香風雜花潛送廣庭張樂妙音交作冀公以請召未許送君先鞭我心如馳不敢留止行復題已赤管俯伏青蒲答天子休命當使臣之始賞者爾

送峽州劉使君忠州李使君序

前人

國有戎事今茲十年外姦內究略無寧歲是以人之思理不教而然者久矣夫非良二千石則無以光昭帝俞勤恤人隱自邑居蕩折牧守承弊中和頌聲斯道寢息今皇帝之臨御也嘗垂意於理道夫能官人則能安人為官而擇人受夫賴尚書駕部郎中劉公司門負外郎李公分命之拜中朝駿選劉公之舉也以宣慈惠和李公之得也以溫良恭儉或推大略仁而愛人文學政事家邦必達矧茲偏隅由我專制苟利於物其可易乎然

後理兵期於知禁求瘼在乎不擾澤流愷悌汜可小康豈穎川之姦黨散落濟南之畏如大府而已壽星之會涼秋八月言辭北闕將驚南轅借疑作王馬之不留合六官以追餞乃卜勝選

吉咸集於吏部郎元公之居室地遠朝市家藏水木納終峯於宇下道漆園於方外風迴景泛匪寒匪襖入室而芝蘭襲人趨庭而珠玉交輝琴言自清座右必誠夫然則行者可以慰遠道居者可以依翰林二公於是撫席而言曰西楚風殊東巴路迴高堂雲雨遇荆門而可見皇州冠蓋別瀟水以長懷多謝故人醕我以酒寵我之作群公謂何以不腆斯文遂冠於篇首物南宮之賦者凡四十有六章次之爵里亦以當使君之佳傳云

送賈中允之襄陽序

前人

孔宣父說儒者之行有自立焉有近人焉有交友焉研精六藝

較明舊史冠天人之際探得失之源非自立歟仗義而居立信
為寶難得易失不謀苟合非近人歟終始之要膠固也患命之
急身命也益者損者吾其擇焉非交友歟夫然則道之將行周
流四海而無匱者庸可既乎頃年隱廬山之霧去秋舉湘江之
帆聞有道而來終有得而去所合必義所依必仁凡諸揖奉惜
此言別累卜勝踐屢邀醉心雖雲蒸霧毒猶扇炎風而踈桐衰
柳亦傍秋色時之所感事有攸會切於覲問而速是行者則尚
書季父領鎮南之軍伐淮西之叛方除天地之害載戢干戈之
威用重望繫人渴日為父與尚書備相知之分憶作執手于今
三年負累遐荒莫由展禮南北不援我勞如何願即寤寐之勤
永奉通明之德

送太子僕馬公序

前人

嘗讀舊史氏見及長孺之為人與之並生其時則從隨長者不
敢避風雨况今之有人而拾勤乎太子僕馬公骨鯁端莊則如
此而布和展惠信而好古燠乎其有文章則汲生之所不及明
矣方將搏空直上高視廖廓秉尚父黃鉞登范睢青雲顧夫蒼
生不為負矣屬群盜未息四郊猶虞春闈無事各日可愛故自
南自北從諸侯遊如竹箭之有筠雖霰雪之奚及未可量也子
固不敏奉以周旋幾合獻酬之禮且陪文酒之事青溪白雲引
我歸思槭槭寒木颼颼冰岸道勝獨徃高歌以行夫至人達觀
物無不可出則耀金組入則狎薜蘿蓋與時消息在我舒卷群
公帳別則如之何

送趙評事赴東都序

前人

大盜既滅東郊遂啓前馳龜蒙左夾遼碣過數千里革戎反華

彼阻戎之餘承復禹之慶駿奔走滌怨思兼諸匪人因得請命
連踵闕下歸甚忘亡一作志是以身田一作由身筐之貢不待錫

而至者已紛紜一作紉於長府申命職方郎中滎陽鄭公達于伊

洛以惣其事夫劇不可以專精故資於命介且求於兼適必託

乎至公大理評事天水趙侯當交辟之下膺至公之選罷戎西

府受詔東周虛舟出不繫之外景鍾為待叩之用故士君子隨

之而不避風雨則文行忠信不其末一作美歟鳳翔尹兼御史大

夫高公勤於容禮迫此王命曾是公噐與時共之追鋒告行惜

別而已行軍司馬侍御史李公玉帳居左金樽叙離群公當筵

相顧不足白日陶暑青槐好陰牙幢宴如亦歸醉止左右歡甚

詩人興全爭論逸價特以餉趙故拜命之辱輒冠于首篇

送譚正字之上都序

前人

皇上御寓之明年布和發蹕其在野無遺賢將以啓迪理本蓋

古先哲王之前大者分命十使周流天下弓旌一舉澗陸其空

戶部侍郎趙君故得譚子於瀟湘矣譚子受薦不拜趙君當薦

不避朝廷官之不疑君子悅是三者之備公也者而一作其至矣

哉况恭懿明允文為在禮發言有章臨事不一作無感可以入備

顧問出咨典謨豈止祖述六藝指歸舊史栖遲龍樓之下寂寞

銘勳之間哉僕孤奉盛明黜佐藩徼不自意而邂逅相遇念一

老而得之周旋嘗與語一作話言為我消息日月之會時惟季冬

星迴于天歲且更始掩慘一作驂蕭索長年所悲豈堪伊人告我

以去方將背九嶷之積阻泛蒼梧以連海經界于分疑廣舍於

上都謁崇明馳象魏講舊於知己從事於吾黨雲霄之外自此

而皆遷客者何叙之而已

送劉協律序

前人

予廣德年三掌注起居建中初擢修國史討論之際嘗覽周朝作相弈世載德名列於紫微傳於青史者今協律劉侯之先歟協律富有文采挺然秀拔懷長策以待時感知已而為用似續以才而不階門戶求合以道而不憚風塵士君子之行有足多也零桂雖秋涼風未至江山綉魏言出東路帆席悠指途南海南海有國之重鎮北方之東西中士之士庶鯨連轂擊會舍於其間者日千百焉况中丞元公載緝斯人言愍其殄金節始按休聲洽聞求賢重官方賀封往疑老夫病矣負累杜門幾煩相聞挹我以禮媿無風水之便且有登臨之別行矣自愛吾無間然

送紀奉禮之容州序

前人

紀氏之子日文楚資於事毋敬以愛兼則百行可知博於好古

而功業著則文采可知丈夫於代能有事而無倦加體道以自牧出入中外身無擇行為不達者未之有也頃屬世故家貧背乎越嶺執爨以養當車就安人皆知之用是不乏所以長者繼轍來者升堂既榮於親人悅其子甚大慶也夫時有通塞事有從宜親安道存適則為可容州經略之府南據交趾北達蒼梧李郎中受委中朝聯典大群凡所化理悉為世程紀子嚮風慕義不遠千里釋板輿即輕舸晨飡夕膳不改唐物從一樂土之一樂土誰其間焉郎中之愛子良鈞業擅家寶官登王畿美秀而文芝蘭可襲吾子一見足以滌塵慮慰客遊與諸子之得子亦何以異也行矣自愛時興元大赦之仲春桂林遷客于邵之別序云

送李校書歸江西序

與子中外表也親之至也異姓莫先駸隔不面老而方舍可謂
一作長難息矣曷期遠會于零桂之間哉大火之交南秋可謂
其歎如蒸其華轉鮮昏霾而禽鳥欲絕驥赫而薄鑠無措易練
不足以禦流汗並燎不足以敵炎氣一作予遷客也是甘其難
子薄遊也何其斯弊况依藉門戶本儒家之文行貫總陰陽乃
王官之武備聰明精密道不苟合真吾人之益者也以世多故
始家廬陵悲鄉國之耿邈想丘園以蕪沒羈旅南土復何言哉
季子無金未下妻嫂淮陰寓漂終王侯無以風雨為晦無以名
位自薄乘時體命其乃光乎予屬湘東之命子有滄西之後非
適之適我勞如何雲天茫茫行矣自愛

宴錢崔十二弟校書之容州序

前人

方伯盧公因牙門之清淨闢前館之爽塏乃命宿設具牢加籩

言邀故人以寵西也清河崔子曰真源嘗典校石渠應諸侯之

聘踐言勵行積學累藝

一作

而建中初天下文明懼乎遺逸黜

陟十道君舉先在有詔集於京師將以更銖既而容管經畧處

置使隴西李公從而請焉倚歟直源以受命底祿已利也以從

人之求國務也身不可先於國祿不可急於求翻然迴車假道

于桂廬公執疇昔之先惜今辰之別朝陽初升賓筵始合子夜

云艾主賦未晞鱣解交飛而取樂賁麓相協以奏鴉廬公意未

之盡將命以篇顧謂遷客曰罷綸幾何日輟使復何日請子之

叙我今夕于子離席而辭曰老者敗者僚者一作末也憂能傷

人思無可也公之所命其得人乎公曰得哉是敢操簡而進發

言有素一以論我公之講舊一以樂李公之得賢風煙不殊南

北暫間顯允崔子最哉今間云

送蘭舍人兼武州長史序

前人

舍人夫以元昆尹京之明始為西府連辟將展驥足於廣西之地所以懲彼判亂人休息君子謂此舉也得於治理失於屈賢譬諸汙地而集鷓鳳矣然則國家多故亭障猶虞不為利遷可必因于心無終食之間違仁矧三州之與四海云爾勉此于邁怡然告別群鷺尚轉四月猶花長江一望翠幘如畫佳興滿目曷唯官遊監察御史楊公特進兼鴻臚吳公慰相宴接情言不盡諸公倍歡各以義洽邵野人也實忝中表趨風自允渴日增勤俄然此離如失羽翼郊坰之送惜也何言

送蘭侍御使還序

前人

何龍疑之塞秋為邊防每歲徵師郡縣強家之子能控弦帶甲

勇為人敵而應召為行軍司馬侍御史蘭公戒茲戎貽來閱軍實威用震罰而不及人爰興六月之師集我三邊之事况長源自清但挹朝海大厦已構尚勞持斧位寵杜詩之選識由朝厭之竒叅彼玉帳鎮茲金方亦既勤矣由是正風俗恤人隱刑章無煩頒賦惟允上行下效一作交心莫不盡大鴻臚吳公國之良二千石也必先中權之令載勤東道之禮金蘭用譽風味相合樂只君子會于公堂清絃發越洋洋乎盈耳一夕三醉主人曰未也若然者郡公陪歡其有聞乎秋八月鷓鴣始鳴衆芳皆歇我有歸思整轅而西晴川浙瀝日上旌旆寒野奔蒼風入節竿况肅殺以時虜騎方下元戎之且有後命行軍欵久畱得手請言詩以寵餞薦周施而不墜耳

無煩

一作無煩

文苑英華卷第七百二十三

登仕郎胡柯

鄉貢進士彭叔夏效正

送趙評事序身田身筐

身疑作井古文厥字見廣韻田一作田非

文苑英華卷第七百二十四

序二十六

餞送七

春宵餞盧司馬丈歸澧州序一首

送前鳳翔楊司馬赴節度序一首

送王司議季友赴洪州序一首

送張中丞臨魏博序首

送盧待御赴恒州使幕序一首

送高待御還鳳翔序首

宴餞嚴判官使還上都序一首

送丹判官之江陵序首

送鄭判官之廣州序一首

送崔判官赴客州序首

送房判官巡南海序一首

送盧判官之梧州鄭判官之昭州序一首

送楊兵曹太祝兄弟序一首

冬初餞崔司直赴京選集序一首

送康兵曹入蜀序一首

送孟司戶赴南山序一首

送穆司法赴劍州序二首

初夏陸萬年廳送奉化陸長官之任序一首

送金壇常明府序一首

送河南王少府還任序一首

送陳留李少府歸上都序一首送家令初丞序一首

春留餞盧司馬文歸澧陽序

于邵

夫人丞門戶之資擢衣冠之秀司武湖上休有令聞移家禮陽

吾取道勝蓋內緣世故從所責焉况端公丈二十年間王事靡

盥開物敢理洽聞朝廷辟公府而載鐵鎮方隅而寵授金鉞

膺我重寄每懷離別豈不欲往職是戎六丈念切在原崎嶇過

嶺亦既至止自冬徂春二龍齊驥駘駘交映出恭入友論者榮

之春二月中車戎僕言首歸路凡我同志猶惜別如此而况端

公是日之心也觀察判官鄭官初筵叙離方繼以夜顛留候騎

陪尽此歡降而衆賓已酣未晞而主人猶邵上負明聖來貳藩

隅終沐廕麻忝招坐右都令夕之樂想分歧之恨豈登山臨水

而日送乎

送前鳳翔揚司馬赴節度序

前人

御史大夫李公擁旌領鳳翔尹西控數州之地將戡定判亂糾

遯寮吏未及下軍而思其人故司馬之才膺此駿選幕中之畫

居然有待公頃佐是藩天驛在雍戎馬鉅計注之有司大東小

西無不仰給日承顧問休聲四聞人到于今或受其賜交辟之

下得無先乎况宏略泉深碩謀雲蓄材氣自逸禮容必循鴻鵠

之舉煙霄可仰在此行也公之友兄御命在館繡衣持照金玉

相鮮不由其門孰見庶羨驥足方馳鴝原惜別河橋一分雲岫

千里鳳凰潭上刁斗初傳寶鷄祠下旌旗不卷以言疑此送遠豈如贈言行前鶯花亂我心曲干旄美得賢也二三子取而賦之

送王司議季友赴洪州序

前人

洪州之為連率也舊矣自幽薊外姦加之以師旅十年之間為巨防焉當閩越奧區扼江關重阻既完且富行者如歸道往之今大和會故朝廷重於鎮定咨爾宗枝勉移獨坐之權實專方面之寄七州奔走而承命一都風化以在我是以王司議得為副車况加彼數賢為之為理何憂乎杼軸為弊何畏乎寇戎不奔歟然則政由宇下風馳境上上下下之交理道彰矣良歲首群公叙離蒼然霜林墜葉為聚別怨既如此歲窮又如此豈年之所獨悲抑同人以之所增歎邵史官也歲一無此字職在書法以中丞宣力王室以司議碩畫幕中予將書之行矣自念

送張中丞歸魏博序

前人

大河故瀆魏之奧境魏大名也今國家以連師之重特命右僕射田公以鎮撫焉授方面之寄為諸侯之昌職責不俟於命錫朝奏必咨於佐幕是以張侯有獻歲之會一日天子勞勤于次二之日有司行賞以扶疑因題桂之舊榮加專席之新寵風生漢闕價重周行光照帝俞僉允時望且端揆有度材之鑒中司懷匪石之心温温恭人表以光大多矣恩逾三接詔復兩河向銅臺之地遙鑒上京之京盡栢署追餞粉闈惜別才兼二美識者榮之今襄海無虞人神助道尊我王度樹之風聲有來雍雍信足樂之詩可以群興而群公賦之

送盧侍御赴恒州使幕序

前人

聖朝以上白清河王鴻勳茂績焯見群后得一作兼綰中樞將

二十年南征北伐投艱排難則倍之矣是則國有恒兵以公配之而有土天有上將以公委之而分闡勤則至矣位亦極矣談者為美其誰間然故得高枕安邊苞茅述職出獎忠義入延秀異不遠數千里而得盧君君亦感激知已奔波從事雖立資於特實由昔用譽不家而食盡室以行峨鐵冠而利往陪於帳以參畫何風雲合而至是乎初此行也鍾陵有連帥之府落帆江浦上謁告離府公以稟命則同獎王室脩好則不間遐方遵上公是厚實介以我雜珮必先餼牽便蕃初筵禮無違者玄冰仲月白鴈南飛大舟橫江信宿千里且務從軍之樂不賦苦寒之行蓋時人義之者多矣僕江西旅人也趨風明庭同等見顧常忝座右之容不賤屏外之原送君此行抑有由也然安得容容操疑作子之祛乎

送高侍御還鳳翔序

前人

高侍御文行忠信士林之秀者也御史大夫崔公勳既集視人如理萬選入幕實佐戎機至於是邦隱若敵國攬轡之後郡邑以清若然者艱難之時事鮮不及矣十一月河水始堅山葉皆盡冒此寒峻屆於漢陽且欣郊迎然後疆事昨又繼燭盡使君之歡今之初筵合舍人之宴入室而喜親狝白當杯而願假豕冠熒煌蠟花可以醉止請贊露晞之賦用慰臨岐之恨爾

宴餞嚴判官使還上都序

前人

馮翊嚴氏之子曰暮昭宣世葉嗣續未廣能讀古訓雅為新詩有叔廣黃中之稱有季野四時之備故清風襲人人得披襟而前蓋所嚮者多矣去年冬鄭司勳奉服嶺之役以掄材官人將子為介以體一而二事則於交廣乎何有今年春將復命奏庸

公以便道歸定省尋水之下可歌白華龍駒生庭神仙作尉至是邦也而負者盈門味道探願遂亦決辰以王事期迫不敢怠違是以元方不得車而旋嚴尊猶切倚門之望有以然也與司勲有西掖之舊文行忠信君子人歟既與子同事又與子同術不追飛雲霄既將置之州牧盧公叙別於初筵郎中蕭公置酒于翌旦皆飛自縱飲高歌結歡屬天降霖潦九派會同雲帆際天行以勤矣余羈紲未解處墊溺之地與言言別夫復何聊群公推以舊老略其敗北俾冠篇首得不謂之幸歟常山公于邵序

送尹判官之江陵序

前人

文者仁之華行者仁之實不華無以見本匪實無以要終是以知在格物物格則知至及夫至也何所不集焉尹十五官其集

之美故忠信實於家貞幹珍於國前年度支翔平糴之法典斯南海今春轉運卽均輸之便導彼西江豈止度四方經費之用盖在佐副相尹丞之秩先是大夫人在堂指途於潯陽原隰煌煌潔爾壽觸由此告較孰不稱慶况高門傳綸紹之榮相宅主公台之兆光啓前列我有憑焉孟夏告朔雲陰四合風雨如晦江濤若崩南颺未迴好是行邁老夫沐普恩之宥一作承近地之迂鶉之首尾可以交歡言且貺別私其則那一作別耶

送鄭判官之廣州序

前人

今年夏日月會于鶉大公治分汴東之幕經度邦賦于桂之南議絕乎爭蓋人得以相慶秋九月荐加五府之命自嶺之外一以咨之而中丞包公舉賢任能捐萬里勞思之煩委一都專達之計我州我庶雖違德實難予取予求而受賜猶舊觀察使范

陽盧公愴雲天之忽間天惜姻好之遐阻置酒高會邈歡累日
誰言醉止必待露晞然後維舟陽江宿設候館遊以舟揖一作
以一欲別不能漲濤湧灩長空不分須外徼以內賦詠蒼梧之白
雲所以道與簡會遊心逸聚散之分抵疑作勞如何况公風監
恢達博聞明辨從事貞固守常直道奉緇衣之前慶乘扶搖之
上激作人之表予所望焉昭昭令聞日賀光大矣

送崔判官赴容州序

前人

服嶺之外列臣防者五而容其一焉自中原多故邑居蕩祈始
則有長吏苟宇之命今年春有詔特命元公都督十二州諸軍
事資其庶富而宣乎教化者也夫教之所以存化之以仁而俾
其歸于王而不隔乎荒則書同文車軌當南北萬數千里而述
戰焉不其遠哉偶陵崔公光膺副車之選秋八月傳次於壽春

安豐縣之東亭前臨芍波渺漫無一作際雖淮海之內浸數則
多而勝景之中堪遊蓋少故邀留貺別非此而邵孤奉明恩負
累炎徼邂逅相遇歡戚不同既而前多岐路行有先後日暮猶
遠自有窮途之洳木葉微脫更切長年之悲其賦離之什則亞
相崔公冠乎首矣群公其弟之

送房判官巡南海序

前人

兩河稽誅為日舊矣固是迷悖腥聞于天法將汗豬罪爾無赦
是用調發集于東郊瞻上將於五道興王師之十萬千金之費
實經度之中一作別有益一作府既博之用不勤於人豈與夫
漢武事邊窮兵蜀主以小謀大而較其損益哉則天下怙辭不
得不除宇內稱兵不可不減惣是任者惟我國禎兼御史中丞
包公專其事佐衛倉曹房公分其巡公英姿英發相門流慶以

公忠為已任以學行為身文蹈和以全直脩陸以合義長途逸
翻則未可涯冬十月桂林務要臯此字無番禺利往輕檝既具高
帆欲張煌煌元公作鎮南海在公為外舅在國為屏臣潘楊佳
姻水玉相映式瞻之地其誰不懷挂管經略觀察使范陽盧公
惜雲兩為別悵江山暫間置酒高會徵詩寵行南尺不寒四氣
爭暑黃甘未摘盧橘人一作未花請因衆芳以動陸興將我府公
之厚意也

送盧判官之梧州鄭判官之昭州序

前人

中前一作朝有蕭壻之變王宮不開夫莠尚在我憂未弭都人共
駭遠服多虞大唐斯汜可之安率土獲來將之祐詔下哀痛思
覃動植天地更張乎範圍日月復次於黃道人既受其官爰議
其能非其能則我命用隳奪其賜則彼昨何載授之一作此二者

至於勤斯桂管都防禦經略觀察使范陽盧公道千乘之國齊
北蠻之化敬事而信視人如傷頃者嶺外諸守除書中絕內無
合契之符外關分憂之寄望吳隱而莫至希士變以實難是用
舉所知延幕客盧與鄭二郡有光凡官材定論物格知至今之柳
與誰曰不然必能發棄的於轂中化陋夷於度內上已奉知以
下以極黎元力行近仁於斯為美何必秉鈞當軸方及於人哉
桂林陽亭南越之勝雙旌啓路舉棹茲始諸公惜別宿設戒期
雲岫座中烟花兩後愛時景之可共悵高帆之不畱遷客于邵
書其事

送楊兵曹太祝兄弟序

前人

天寶中謬掌鉛槧領鄉大夫門子出於龍樓以鼓篋為事是時
與楊氏兄弟相見于今十年矣曾不以簿劣移意克全乎相知

不出樓數年各以才進果行敏德依仁據義焜煌而金玉交映
肅穆而風塵不雜入其門森然所謂難矣屬中原多故荆
棘未剪竄身郊山復與合疇昔之好實獲我心今年春清羌白
氏相率為靈震我郡邑毒痛生人而揚公侍親日有憂色擇地
以養告别遂行是以二王趙蕭四族偕往懿親密友義切同舟
並駕而逸足相追拔茅而彙征斯告方將導黑水以合漢適樂
土而中權豈止奔波雲山悵望岐路而已蓋隨之為義也大矣
巴防楚塞獲聲千里東出桐栢南非荆州三江五湖可以利涉
心斷印否簿送于郊非斯人之為別吾誰為賦矣

初冬餞崔司直赴京選集序

前人

大官大邑惟賢者主之臨安大邑也而崔公兼領浹年之間輿
人致誦雖化更有命居之無何然與人休息行難為繼矣屬太

夫人在堂閨門之舊敬家於漢上張仲孝友行恩板輿譚公維

私式歌弄印崩波私沂

一作松沂
疑一作沿沂

重阻疊里亦既至止稱歡壽

觴前彭州司馬公之元昆所遊有方嘉此良會皆才膺開物刃

有餘地徒大夫士遊必先曲禮二龍方聘未可量也國有衡鏡

人歸品藻十月良月駕言北遊當山公

一作令

持刈楚之諤信多

士發長鳴之日也以彼言慶續茲高選雖欲物用其若才何雖

古人捧檄在此行也固同人惜離出餞于野遠山四合長空沉

寥望青林而不盡看白日而將暮忝座右之未陪難孫之行不

腆斯文俾專序別蓋讓之不可遂冠於篇首

送康兵曹入蜀序

前人

與兵曹公敵惠于今三世矣然則子之大人某當肩隨之日雖
中年隔別而榮問不輟一作問不虞康子來涉疑作吾境父之執

果於親親可達也况風骨爽秀機會駿發約之以禮博我以文
青雲之姿於是乎見美以日迫諸冠一作冠非家君在蜀乘問一作問
赴覲靡遑底寧曾未信宿駕言于邁以此道別無如之何副相
嚴公惣統江劍東西郡邑盖以百數昔風靡波偃奔走乎天府
威名之下雜不心註法一作心且鳥擇高梧人歸如水吾子之往矧
有舊乎郊垌之南予以送遠揚柳雖緣我意悲春喬梓有方君
心是慶白筆之美者故歌而送之幕中有行君馬公判官章公
書記崔公高副時選相期郢匠執子之首幸謝故人

送常兵曹赴上都序

前人

常公顯名三蜀出入東西川垂二十年矣至於是邦必聞其政
盖禮者德之幹利者義之和由之不央其道也噫夫克有具美
而抑與之徒淹歲月未上霄漢俾其知己者慙而已雖多亦奚
補於時議哉有以知君子不見而彰義然後取信吾寶也杜陵
鄉曲千里而近楚王壇上瞻一作望仍望鴈隨揚而昨夜初過
木落山而寒霜始白今日何日江干送歸豈無樽酒可以留餞
國家開設會府綜覈九流衡懸而不欺輕重論定而必先遠大
之子之往求善價而沽諸孚愛惟允將美利而利物夫然則家
之肥而國入肥也南山之南日復羈縻時因便風無金玉爾音
千里常生跂予何及

送孟司戶赴山南序

前人

今之天府急賢為事者多矣然則中丞張公賢而佐之公惣統
巴徼盖郡邑百數皆夙興夜寐奔走乎梁州一方無虞千里坐
嘯何寇盜之敢暴不澄清而彌肅所以賢與不肖有別而孟戶
曹應辟焉非夫學究精微德含光大貞幹克宣副于公望勤勞

可著乎王家豈中丞之與能而幕府之英選能致如此閏四月
告輒指途出郊相飲昨夜殘雨朝煙稍霽黃鳥上下綠陰若浮
此時送君微我無酒况東郊西郊鼓鞀猶作征軸之弊又急乎
安人勉旃孟侯無以自媚

送穆司法赴劍州序二首

前人

決曹掾穆侯里行歸于劍十月寒矣艱哉是以休於嘉陵之陽
一作日與樵牧為吾而吾言言涉江水至於室廬告輒之期不
遠千里然則取諸羽翮擊彼風水時之來也鳴可驚人而愛親
之道敬養為切安得擇仕而以三語為屈哉東江劍門人足助
興地氣初閉河風稍嚴青冥為空黃落向盡感物論別者庶存
乎歌詩

二

人謂穆子通於理者也藎然作掾榮問所致一作自隴之
下清風可挹人能盡驩邵真知勉矣頃以今第仕于劍太夫人
就養適乎遠雖迫王事心馳倚閭朝辭府庭夕次郊郭不俟高
駕拂衣而南郡公錫類詎敢留心各以壺酒垂揚好陰金秋始
交火雲猶赫指日獻壽在原增光送君遂行千萬無盡

初夏陸萬年廳送奉化陸長官之任序

前人

予籍奉化君之猷甚矣今也何幸辱與萬年君遊而獲展禮焉
公有入室之清行有顯門之奧學加之理要飾以藝文三十年
中猶宰一邑是何奇偶之所不倫乎先是公由外署嘗攝行此
職未拜真而復罷人至于今恩之豈彼人之幸猶多而資公之
政為理不然奚十年之外復與此合耶况今年吏曹尤難具選
天子申明乎詔令宰輔論定乎官材天官卿孜孜於趨捨膺此

舉也授受者安易為易哉拜恩前殿隨牒上道萬年君軫陟岡
之歎愴異縣之違叙離公堂言具旨酒二三親好獻酢有章既
敬而兄又悅而弟上交下悌何其輝歟鷄尾之會火雲初飛前
春花木是日仍茂感而惜分一作於是為切夫以卿士大夫之
會未嘗不引詩人之興以宣其志萬年君所以進牘抽翰邀文
屬辭蓋合斯義將用既別云耳

送金壇常明序

前人

將理大國若烹小鮮不敢撓之故也况子男之為邑庸可撓乎
方今兵簿四海師老十年罄人之耕桑窮人之術數勤以春中
國剪以賜諸軍興猶艱國議尚乏非夫表微物外洞鑒人間曷
能除其災害極彼塗炭於戲天官氏得之於常金壇矣公文以
潔身行以勵俗道必孚於損益名可達於邦家醇粹居中而英
華發外且三辟大府連衡者人皆奪容一登廷評獨行者我無
溫色樂天知命君子攸難偶爾墮銓序之勞超然在甲科之列
一作豈無情切之地竟迫親人之選飛鳧自此去逸驥何施然
則其崩角所不容悼心而無告者我實行矣爾何對焉鍾芋之
間化可見矣厚地始坼寒山盡空同雲不開積雪增沍楊溝追
蔣蔣亭愈邈乎愛矣何日志之今之送君感別而已

送河南王少府還任序

前人

王公秀出士林香傳國譽玉位增映金聲自遠故弱冠之後代
為文人不四三年而交辟如契豈惟鴻鵠勢在千里自是鳳雛
生而五色今大夫當弄印之貴積蒼生之往丘程朝端舉正天
下少公晨昏之際戀深獨立爰自東洛達于上京且因王命得
及私覲喬梓之慶實為特榮然則赤縣多務不遑久留素琴在

御足馬玄邁清風霽景隨我佳興又足名也頃忝臺憲出于門
闌遂使小子知名敢忘國士之遇心乎愛矣此別何言前郊一
葉涼風已半金吹浙瀝淒然欲寒兵部負外郎王公以從父之
仁敦北阮之好猥顧同舍謂余知音相期都門才以送遠才子
東矣得無斯文

送陳留李少府歸上都序

前人

天寶年中以公持刈楚之柄言采其華將枝其俗蓋良馬逐逐
在公之伯仲乎忝嘗齊衡亦以為好迨茲二紀相逢蜀遊不虞
斯來復與前合况惣括六藝又擢一枝青春之年黃綬標映瑩
若玉立踴然鶴跼長空無倪可以直上人之望也今議諫大夫
崔公冀國之貴介第於公為外翼焉以兄弟之子猶子也冰玉
不間蒲楊載睦始君之來拜乎姻煙由君之美加乎愛矣東林
表郗公遠鑒南公實夫子知賢光昭好速能以德選自中形外
論者休之實況之會言旋上國蜀多名園載酒交餞雪冰初下
同雲始飛寒暄正中跋涉無苦予亦羈齒久而越吟曷為歸期
十月良月方將尋鮑子之舊復田蘇之遊若君行此不勤一作
印否尚書兵部郎趙公謀以貺別尚書虞部郎李公作為新題
群公僉同各以位叙云

送家令祁丞序

前人

祁丞公表微造理之士也嘗精其思深於詩警其神而存乎象
深於丹青非竒峰絕壑則不能運其機非緣情體物則不能動
其興機興之作為達者多之去年八月閩越納貢而吾子實董
斯後水陸萬里寒暄浹年三江五湖復然後遊遠與為別故人
何情虞部郎中岑公贈詩一篇情言兼至當時之絕也凡叙所

以廣意既先見我又何載言一作送君都門舉手千萬

文苑英華卷第七百二十四

登仕郎胡柯 鄉貢進士彭叔夏 校正

文苑英華卷第七百二十五

序二十七

餞送八

送趙晏歸江東序一首 送賈九歸鳴水序

送從叔南遊序一首 送從舅赴陽翟序一首

送楊倓南遊序一首 送庾狄縱入蜀序一首

送盛卿序一首

送通上人之南海便赴上都序一首

送銳上人遊羅浮山序一首

送朱秀才歸上都序一首 送陳秀才序一首

送冷秀才東歸序一首 送竇秀才序一首

送蔡秀才序一首 送朱遺拾序一首

陪江西李大夫東湖賦詩送宣武軍趙判官還使序一首

送常處士適東陽序一首 送張明謙適越序一首

送謝舍人赴朝廷序一首

奉送泉川席使君赴任序一首

送李補闕歸少室養疾序一首

送耿拾遺歸朝廷序一首 送朱拾遺赴朝廷序一首

送趙晏歸江東序

于邵

四官擢大府一枝之秀居十二年而先其文章用聲譽馳一作恒

寰海內行循疑作脩潔正為人言故王公卿士類見顏色皆延以

座右挹以上樽結平生之至驩聽傳習之餘論翕然而風靡矣

自隨牒吳楚諸府交辟有車麟麟無一日而止故驟遷於維荆

仍假治書亦既達矣今上觀兵鳳翔之歲公以錫貢會于闕庭

舉朝廷首以望真拜屬多難之際蒼黃易誣斬馬未聞于去佞

弘半且偏於用法是有沉沙之譴不及旬日至于五原大戎合

圍我在堅壁以功復為詞曹外掾雖雷雨作解而風塵未厭流

離辛苦又屈乎漢陽雲天路長骨肉為念將欲出三峽浮二江

漸達於吳昌接行鴈於舊問伯魚之他日蓋生死骨肉之會豈

勝言哉大寒之歲衆木皆死相彼松柏雖復小凋而貞心勁節

不改柯易葉實君子之大端也持此貺別不知其他

送賈九歸鳴水序

前人

賈生深於義者也又能保和天資強學不倦其禦寇之執爨處

原憲之非病行於一作遊林泉蓋數周矣實沉之會賁然來南郭

之下言尋舊好顧州縣而不為道屈齊得失而成茲福利實君

子之大端也知我者鮮謂予知之朝夕之驩經時不去或歌且

賦嘗至於夜分不知天下之秋颯然而至詠采薇以獨往始班

荆而送別南指蜀路江山四蔽苟吾道之可存居鳴水而何陋
是為不侵不叛之地得以長處納矣乃知全謀決策可以遠馭
青溪白雲時復助興二三子豈知樂在其中乎出郊之時論別
而已

送從叔南遊序

前人

叔父乃相國東海公猶子之慶裔今少師郢國公外王父之介
弟也生於台庭長於儒門修先王之典禮操作者之文律斯亦
叔父立身之道弘矣屬時艱難流離辛苦田園蕪沒族黨淪謝
斯又叔父厚生之道窮矣三十年間為東西人豈無常科亦有
世路道之不由吾不與也得非恢達自是處之無悶耶况郢公
和義以仁如存展敬居嘗館給不度以年因得造寢席問起居
不敢墜陸親之禮父矣夫不羈之才若不繫之舟不然則何以
泛其流而折其滯歟既而將登商顏尋綺季翼儲之蹟晦進浮
滄浪追漁父遁代之始終或經九疑或入五嶺探靈感廣異聞
崇朝命駕來告于邁不擇者結遐方之離思所賀者從諸侯之
勝遊敬奉觴以祖較遂贈言於慎夏云

送從舅赴陽翟序

前人

昔者秦賊渭陽之詩蓋孟公子三字一作君子之出祖也綿歷千祀頌
聲不泯幼失慈愛於斯為苦未嘗不廢卷撫膺書紳自勉以為
罔極之祭如在存之禮不其然歟自幽燕稱亂伊洛內覆爰我
舅黨舉族東遷祔室無祀名園何在永懷展敬渴日無緣叔舅
十年過江三命作吏慶垂必復休有令聞使車斯來輒不自意
陽翟駿選天書寵光思同晝遊有日矣伯舅京劇先鳴曷由偕
往小子江華罷守未離繫滯指途惜別卜勝初筵當獻歲之方

春對上林之晴雪興酣景宴欲罷不能則叔舅之慈惠鍾於我也良可知也望鈞臺舊都返伊川故里出鄆郢長道控河淮要衡于焉馳名于以在我况清白以世業留遺真幹以天資自許鴻鵠之舉雲霄可期慙無酷似拜命之辱叙離道念庸不喻乎司勳負外郎鄭一作程昌締邵同等也實為首唱其或繼之者則以多為貴爾

送楊倓南遊序

前人

弘農楊倓世以文藝登甲已科而倓克構前列復脩儒行外高作賦正始言詩期于拾青今也被褐蓋未遇云爾桂林之遊我何憂哉在幕則副使常公存乎舊判官常公置乎客其外則韓萬州為知舊則倓不孤客則倓有已知則倓可遊予亦子之舊也見其來則撫之憂則樂之命諸子以同之其它則不如二三子之強大嘗所媿焉忽有餘興言將南邁尋桂江之遠近度疑山之險易適諸侯之館披三越之圖並蒼梧以右轉觀象之發跡亦何謝泛五湖探禹穴而暢其孤憤哉扁舟一葉風濤千里於所適復何危乎吾當俟子於壽星之會而復祇命所在念此無忽興元之元季夏之望河南于邵詞

送庾狄縱入蜀序

前人

夫以禮樂為用檢身若不及者嘗聞其語矣今見庾狄子雅而有之况心氣爽練尤於妙理原憲非病黔婁自安洁之哉吾待價也漢陽之末人食如玉有妻子以宜家無饘粥以餬口余承艱否又不能救夏四月告余以行舉家杖藜將赴於蜀蜀多竒士吾道其南風水之便且未量一作嘗也隴俗春晚梅花始發言送山路蕭然雨寒四郊多虞舉手千萬

送盛卿序

前人

老夫負累炎方僻處南館東阻高岸西臨通衢衙門寥寂誰與
為晤數日之後而得北隣盛卿者睠道以閑處約以靜詩禮日
訓柴荆晝關嘗思急病之用載勤稽古之力每接以三餘時復
一見來不飲酒去無可欲儒之敬慎有如此者春三月叩門告
別且曰本剡中人也家於錢塘一入桂林嶺一作十周星矣漸走
長安之道將尋吳會之事乘其波沅聊以自適僕老者病者以
憂以悵留之則難別又不易子不飲不以可斗酒飲一作我以
窮途無得以速脩贈執手分手傷如之何雲雨一散江山萬里
東西南北其有會乎遷客于邵贈言而已

送通上人之南海便赴上都序

前人

通公釋門之秀者也生本達節出修梵行表之以威儀文之以
外教始具戒於衡山之下瀟湘之間嘗以律人法雖可往而相
不可往是以枝飛錫入五嶺將遠一作舉於羅浮尋跡於現靈
為矯其因而集乎緣遊其方而廣乎志洪惟通公之為心也其
至矣夫猶復歷天枉訪壚峯背淮淝即嵩嶺翱翔乎中國以及
乎上京上京聖君布政之所也公觀夫宮闕則曷若西方之諸
天公接彼龍象則曷若西方之象聖加以探蜜藏傳意味發揮
像法啓迪來學在此行也扁舟而南溟漲茫茫要荒積阻動千
萬里歲月不之計岐路不之悲曠哉釋子不可得而攀也

送銳上人遊羅浮山序

前人

釋子一作之有出家猶儒門之務行道既得其道則思其通過
去諸佛以故能聖則出證於無生歸於等觀安可倪乎有乘精
於斯勤於斯乃至施頂無若剗身為樂赴湯蹈火而不捨晝夜

者是夫銳公天縱明惠學究多聞誦詩三百而言思無邪閱部
十三而心義自了竒文章為語默任施捨為行藏內修為律外
習為祕苑予則不敏人皆仰之前年皆一作皆自瀟湘登桂嶺大
人君子延方丈之室與論實相下士齊人奉次第之食為說皆
空習靜而外勃求安得朋而西山有寺青蓮宮東日月宵中雖
法侶常遊而吾儕不間嘗憶浮山是蓬萊一島浮來與羅峰合
秀班房瑤臺一作室七十有二松閣五一作石樓千百其數麻姑舞
鳳之地葛仙蟬蛻之所將欲導殊勝廣異聞銳公此行天下莫
二矣十月良月晴天愛景密葉彌茂繁花不寒群山壁立而合
杏百蠻長江海連而彭湃萬里搜竒索累可駐行舟懷哉勝遊
不愧相送迨春之水泮期我於荆峴之間乎

送朱秀才歸上都序

前人

嘗喜南中之遇墨客者甚矣今又得會稽朱因卿焉序而字之
蓋美之爾况其學也博其文也精凡作為篇章皆可與詠處之
於代則詩人之選也邵故東西南北願與修好從可知矣始至
之日贄見於我府公府公答之以客禮亦既館給終然宴私高
枕延國士之風開門多長者之轍義非苟合道不虛行叩清微
而况我知音執禮容而許我先達歎與老夫接辱與胤英華作胤
子遊風雨如晦孰云其已而一作西北走長南萬里帝王居治所
也賢關啓鑰哲匠見焉鵬搏鳳翥造次於是彼美因卿在斯一
舉餘勇可賈矧爾勢中瀟湘悠悠駟郢阻脩商峴衡疑白雲間
之登山臨水楚人之重別也人涉叩否衛詩之歎異也雖欲勿
歎得無歎乎

送陳秀才序

前人

秀才以我府公有元昆同官之舊邂逅不見于今三年故不遠
數千里泝瀟湘踰零桂而循來上謁府公府公嘉是來也館有
加籩之餼讌有承筐之禮上下交好州人悅之既而盈卷新文
惠予佳句艤舟將往咨我緒言夫閉門循來遷客之心也窮巷
干轍者達士之情也以達士之情也眷率遷客不腆之作雖處
憂危得無承詩一作乎多謝之仁行矣自愛

送冷秀才東歸序

前人

昔忝鄉賦多與太學英達為之遊二十年間學者逃難石渠遂
閉鼓篋無聞近三四年復於士合每歲以故事選實而流頌聲
則江寧冷侯由此擢秀今之與北前或少雙是以中朝宗文當
代秉義者蓋嚮風矣不復相鄙愚無間然得為田蘇之遊不負
金石之契亦既多矣吳會之地慈親倚門冷侯言歸心切似往
白鴈初過清冥轉高駕言東遊雲雨惜別郡亦是日理裝也始
同末異愴此岐路冷侯深於詩也祕監常公叙焉其為歌詩以
出錢皆漢廷顯達士林清妙各附爵里為一特之榮郡何言哉
貺別而已

送竇秀才序

前人

曩歲忝西掖舍人與秀才世同官遊朝赴玉墀夕下金闕于今
二十年矣今復左遷僻羈旅信安不期東遊邂逅相遇而能倍
一作信年下禮論舊加敬竇高標雅裁為家邦之光故懷袖雄文
予得興詠長途逸足予將企望而殿中侍御史范陽盧公聿來
監州持我柄解簡書之畏當翰林主人來者欽德挹之不竭嘯
歌似同迨茲中冬將盡厚意不虞作別况予之與名輩者乎如
何選一作撰舟告我行邁羅郭之下穀川可厲枯桑槭而不知有

風暮天掩而且欲飛雪此時以長年其悲懷哉曷日相會哉

送蔡秀才序

前人

蔡氏之子曰虛舟以十月良月旅次于信安謂余老於文者展後進之禮清晨來思贈余舊文凡數十篇與之討論導以無倦蔡子乃盱衡而納焉夫如是則何患乎名不揚道不行春官卿復將示諸掌乎挑兮達兮亦以永日言飲之酒時無問焉客非滯者遊有常言者言告言歸明日遂行雖江南地暖於景度短急張帆便風猶可及遠蔡子其將邁乎常山公于邵序別

送朱拾遺序

顧況

楚天暮秋衰草多霜我送朱兄置酒寒塘他方有遺名之人語出世之事昔我一作成大師居毗耶離方丈之室以虛空量納諸群有為法而來難於酬對兄辨才者精於語默雪山有草可醞酬上賢不自豐故貧也上智不任數故樂也言出以機在心為咎故慎也和平發中金玉鏗鏘如秋水之溢塘殊不知長松倚空遠鷓孤唳一有朱子兄也將刀畫水水中不斷以道親人人何山不可以為家何水不可以泛舟我送朱兄浮于亂流主明不在諫故一有諫字臣在瀾漫之遊

陪江西李大夫東湖賦詩送宣武軍趙判官還使序

相國大司徒統戎于汴汴之芥者有長鬣廣顙乘遽四方交驩諸侯以利君實我大夫待以加等問其所欲蓋相國於其君義竦而後有誠誠存而後有別此敬相國而及子其告復乃賦平字之什以寵之春秋之義凡君子之嘉一善接一士皆欲有所用必相其宜而比之昔代之阿郵燕侵河上晏相之薦穰苴文能附衆武能威敵果却燕晉之師

送常處士適東陽序

前人

珠玉在淵蘭在深林士不定方而處東陽佳地樓上隱侯之八
詠溪中康樂之贈答常生翱翔若復故都會予放逐相逢姑蔑
之山所裁新詩而有意凡游山水苦無卷軸復無携手一何異
飛鳥一翼行雙車輪眼界孤矣於疑作放言自遣以既處士乎哉

送張鳴謙適越序

前人

晉司空十四代梁尚書左僕射纘五代孫曰鳴謙問行於我我
對曰迺祖蹈道隱黃鵠山迺先敦德隱朝山今子洽聞繼修先
好是一門而三隱矣臺仲之處也雲翔宜廓亦復何礙又將嫁
于四方余常適越東至剡南登天姥天姥而西東陽太末始茂
之地盤桓乎弋陽其山霞錦其水緝碧其鳥好音其草芳葩奪
人眼睛猶未麗也仙人城在其上可以汰神可以建文棲子獨
不見錯誅而回樂乎感隙駟之末光事塗龜之脩觀萬化之始
終道訓日處其厚不處其薄丈夫之事予亦從比逝矣適人之
適孰自適其適乎

送謝舍人赴朝廷序

梁肅見集本

初公以文似相如得盛名於天下大曆再居獻納俄典書命時
人謂公視三事大夫猶寸步耳爾來六七年同登掖垣者已迭
操國柄而公方自廬陵守入副九卿器大舉遲不其然歟前史
稱漢文帝對賈生語至夜半且有不早見之歎矧公才為國華
識與道并當欽明文思之日繼宣室前席之事必將敷陳至論
起履右職使賢能者勸彼棘寺竹刑豈君子淹心之地乎亦既
撰告晉陵主人於夫子有中朝班列之舊是日惜歡會不足乃
用觴豆宴酬以將其厚意意又不足則陳詩贈之屬而賀者凡

十有一人小子適受東觀之命從公後塵行有日矣存乎辭者
祇以道詩人之意而已至於擔望不及之思不敢自序云

奉送泉州席

集作石

使君赴任序

前人

使君至德初以一命領太原尉俄歷御史叅丞相軍事所從之
主則侍中王黃門其人當時議者謂翰音上勝非決起所及展
轉祿仕三十餘年乃以宰邑功次除晋安守其恬於名利如是
體命者歟後時然乎傳稱士任重而道遠惟先尚書文公茂德
盛名光乎集作于前朝吾子淑慎其身荷伯父覆露銀草阜蓋秩
二千石方將布王澤以牧閩人得不謂重且遠乎行當變餘善
之俗使至齊魯然後祇承優命起處蕃閩集作近藩迺其盛也七月
之吉火雲在天征車徂東瞻望不及所當慎者殘暑而已豈以
遠道為戒哉標札一作參袂如之何序以道意

送李補闕歸少室養疾序

前人

昔司馬相如當漢六葉為言語侍從之臣今天子用人文化成
亦以君有相如之才擢居諫職且掌宸翰賦頌書奏粲然同風
夫君子之道與命與時三者并則不期集作期達而達不然則或
鼓或罷或塞或通是以長卿屢去其官而君亦以疾退息各其
時也君曩時祭夏圭集作圭頌比干馭龍射虎其詞最盛如夏雲
秋濤變化騰湧蔚乎當代學者誦之及夫朝夕論思上尤所器
異故乞身之表上七而後賜告有以見聖王之愛才也夫賢者
境不靜則神不怡身不安則疾不去故夫子暫蒞江湖樂其靜
也復還少室就其安也易博稱養正則吉矧夫氣甚和氣甚邁
興與贍而才未集作不竭是行也方憩于雲林之中陶然自養以
餅浩氣然後階集作陸浮雲翼疾風登紫垣步清漢當此時無妄

之疾抑自去不暇安肯住於蘧廬集作肌膚間哉始君未為近臣時
論有積薪之歎及其退朝廷厚優賢之禮今也于歸君子賦
考槃之詩此數者足以觀子之義不可以不序焉爾

送耿拾遺歸朝廷序

前人

國家方偃武事行文道命有司脩圖籍三字集作條祕圖籍且慮有關文
遺編逸詩墜禮分命史臣求之天下若汲塚墓陵山穴之徒必
從而搜焉拾遺耿君於是乎擁輕軒奉明詔有江湖之役亦勉
已事將復命闕下七月乙未改轅而西將朝夕論思左右帝宸
用廣夫天祿石渠之籍託風求集作吟咏性情之作當堯舜之
聰明魏丙之謨猷以拾遺之才之美其翰飛遠邇不可奪已衆
君子蓋將賀不暇彼吳秦離別於我何有作者之志小子承命
而序之

送拾遺朱均赴朝廷序

前人

上將以道莅天下先命大臣舉有道以備司諫故朱君長通有
拾遺之拜時議以為明天下在上百僚舉職於下化既成矣而
猶廣獻納以通諷諭聖人之心其至矣初長通以此興之名文
震翰林又以玄遠之致升聞天朝其靜也聒滄海以遂志其動
也披白雲以受詔吳中賢士大夫相賀不暇長通方移疾餌藥
不出東山者三年或曰以君之才之職宜行而止宜語而默且
君命召其可以久乎由是不俟駕亦不敢言疾獻歲之吉涉江
而西夫晏息以弘道由道以致遠位在乎忠道在乎辭蓋拾遺
之志如此彼離別之難秦吳之遠前期之不易皆付之樽中可
也又曷足置於心膏間群賢於是乎酒酣歌詩以代雜珮之贈

文苑英華卷第七百二十五

登仕郎胡柯 鄉貢進士彭叔夏 校正

文苑英華卷第七百二十六

錢送九

送竇拾遺赴朝廷序一首 送常拾遺歸嵩陽舊居序一首

奉送劉侍御赴上都序一首 送周司直赴太原序一首

送前長水裴少府歸海陵序一首

送皇甫七赴廣州一首 送張三十二昆仲西上序一首

送鄭子華之東陽序一首 送靈沼上人遊壽陽序一首

送沙門鑒虛上人歸序一首

送皇甫尊師歸吳興下山序一首

送常十六進士及第後東歸序一首

送元錫赴舉序一首 送薛評事還晉州序一首

送袁校書歸秘書省序一首

送崔副使歸洪州幕府序一首

送盧公歸巴陵兼往江夏謁何大夫序

送盧端歸恒州序一首
送盧侍御赴王令公幕序一首

送竇拾遺赴朝廷序
梁肅

至哉聖人在穆清之中注意左右獻納之臣於是扶風竇拾遺

易直四字集由華陰令擢拜左拾遺詔下之日士大夫相見而

喜曰遺直舉矣直道其行乎頃之會國家舉風力以變元氣闡

文明以張四維上曰五諫寂寥七臣安在由是獻可弼違者悚

以奉職夫君亦朝服賁然時然後行七月初吉整車犯較安定

梁肅舉觴以祝尹夫有其道而不得其位得集作其位而不得

其時昔人所以為歎也君以懿文當有寮師師之盛傷王臣蹇

蹇之位行見夫束帶彤墀之下高議明堂之側宣上德抒下情

唯夫子集作是望彼吟咏集作風騷優游平勃之事又曷足為

長者言耶非歌詩無以見惜別之志不可以不賦

送常拾遺歸嵩陽舊居序
前人

高人出於華族冠冕處於山林於士儀見之矣在魏周際逍遙

常公語默之間全清淨之道餘二百載之子以純懿貞粹追烈

祖之蹤一門清風獨映集作映今古可謂全美也已初士儀與

禮君述眷同隱於富丘上副位舉逸民孔以諫議大夫徵且調

護太子乘輿還自漢中吾子方倘佯松桂之下鶴板入谷拜左

拾遺固辭獻納之任遂有江湖之適議者稱孔子之兼善吾子

之自得出處一轍消息同符然後知刻意而高待時而動者俱

失其道理矣揚州刺史杜公蘊伊邵之望悅禽息之風士儀依

仁游道幾歷寒暑既活然有歸思乃忽乎以將行予嘗同邵諫

官同被儒服所不同者執李公之御與蹈潁陽之塵而已會脫
韁鎖隨煙霞訪吾子於嵯巖之側豈或碌碌久為躁靜之異乎
先書寄懷且以序衆君子考槃之什

奉送劉侍御赴上都序

前人

才全者必幾於道志正英筆作大非者必安於時初劉君以文章游

翰林深於文者以公幹越石為比中歲有邁世志脫畧纓弁住
江湖問論者又北之院始平陶元亮未幾詔掌桂下方書出叅
蜀漢軍爭俄復自適其適道岷江浮湘潭歷敷淺源而東君子
謂君涉履所至擬司馬子長遂留滯吳南以道自居其名益振
其致愈遠向非才全志正又曷虫光茂如是乎今軒冕在上伊
傳作輔方舉賢能以熙衆職故劉君朝服責然將如京師御史
延陵包公祖而觴之且曰易傳不云立誠以居業論語不云邦

有道則智吾子居可大之業當則智之時是往也將賀不暇豈

愴別乎二三子尚未醉盍各賦詩以代踈麻瑤華之贈中丞既

歌詩首集作首章命和者用古以皆以一百字成之凡七篇

送周司直赴太原序

前人

今年春上以副丞相鮑公領太原尹假節主河東諸侯北問宴
開夷夏是賴秋七月其部從事大理司直周頌自廣陵赴焉是
宜後集作復命禮也初朝廷謂晉陽國家之豐沛天下勁兵所處
集作處也故以推轂之任付鮑公公渭三軍經用仰淮湖之餽非仁
智不足任也故以泛舟之役咨司直司直器畧遠文敏忠信
夫文則經遠集作有敏則有功忠信則厚事三務既成單事而還
議者謂司直道將光大集作大光乎不然時之與才何其叅會也夫
躡搏風之便者其翼必大列構厦集作構大厦之重者其材必廣頃

鮑公由尚書郎為韓佐之佐三四年間董戎于藩穆如青風文武為憲以司直之懿文碩畫翔集翰林之上陵厲集作之勢不可度也非光大而何士有不佞嘗辱盛府之召之子于役我亦集作載馳因賦思鴈門一章蓋取夫欲往從之路遠莫致云爾

送前長水

集作裴少府歸海陵序

前人

秋風木落臨水一望而集無遠客之思多矣而裴侯復吉子將歸故國傷懷贈別之詩於是乎作也夫道勝則遇物而適文勝則緣情而美裴侯溫粹在中英華發外既乘興而至亦虛舟而還與夫筮窮途詠式微者不同日矣若悲秋送遠之際宋玉之所流歎也况吾濟乎

送皇甫七赴廣州序

前人

予同郡皇甫生膚清風和敏學而文嘗纂家範數千言自遠祖漢太尉晉玄晏先生以還門風世德煥燿篇錄生聿修之志可觀矣予文輿璠在璞與砒硃等耳及夫琢而成器則價重當世以吾子文質且琢之不已名者公器其可避乎鎮南杜公負佐世之才有盛名於天下門閭之賓唯吾子屬斯往也亦以赴知已而未善價吾儕贈之以詩蓋勉行而已豈以遠道為戒乎唯酒可一破別愁衆君子不可以不醉焉爾

送張三十二昆李西上序

前人

恒衛大陸之間土厚風淳世生偉人其大名大節之後著於天下唯張氏為盛曩予得其叔季曰芑曰苞始冠章甫游翰林蓋相知矣而未深也間八九年又相遇於江淮間則叔也秀才登科已知名於代季也立誠居業為後進之表加以簡直強毅恭寬信敏文史足用施集作張不窮嚮吾所爾風土偉人蓋此也

今年上末士於四方揚州牧扶風公嘗彼叔為門閭之賓因以
充選議者謂扶風舉賢不避親叔得舉不以私則其才可知也
季屬文以氣為主以經為師慕宗伯之賢從州黨之賦則其志
可知也始大曆末予應詔至京師時予伯氏以文德都絲綸之
任博約之道於予最深絕絃之悲仰前脩而未遠斷金之契於
吾子而益厚別者集作苦人所不勉况予情乎凡道不合則信集作分
不深言不盡則意不見序所以盡言而信道焉爾無金玉爾
音焉

送鄭子華之東陽序

前人

鄭侯身甚苦而意甚泰家愈貧而學愈富言政必及王言性必
及道言文必及經而動不愈閑貞不絕俗年出三十其志未光
柳有由哉夫風之行也則萬竅怒號時之止也不能動纖毳士

不用則塊爾而已遇則雲蒸雨隨是牽於時而不由於已鄭侯

雖有洛陽集作下之才淹中之學其如時止何傳曰美惡周必復

吾子困于艱疏星幾周矣或者其將復乎予材薄體弱曩遇晉

陵守獨孤公方執文柄為當世集作時律度見視有終日不違之

歎公既問服予將絕絃寢門銜悲適觀吾子子即晉陽之出也

一見而觀其禮見而同其志志同而忘其言悲歡兩集而不

知其止爾來蓋一絕矣詩人賦繁霜之月子滯于吳子游東陽

當逆旅之次送乘桴之士命旨酒登高樓酣歌氣振人莫知者

夫物不可以終聚不受之以散離會不紀何用文焉集作為既而

遂行且以見志

送靈沼上人遊壽陽序

前人

上人形就而心和行獨而志潔辱與僕游殆二十年矣初用文

合脫以道交淡而文文而敬他人未知有也集作未知也今年春予有幽憂之疾謁長桑民于東南上人以無主為樂將邁乎壽陽相待形骸之外相忘江湖之上比夫世間重事者不同日矣彼都人士高陽許生孟容開封鄭侯通誠皆於上人有忘志之契集作想與夫二者道舊之暇必荷錫而遊問小山叢桂何在濠上鯨魚樂否予至東越亦訪友許故事歸而於虎丘之精廬先出後期以志少別云爾

送沙門鑒虛上人歸越序

前人

至人不在方實相無所住此沙門鑒虛所以順理而隨世也適遊皇都談天於重雲之殿今也于歸將休于沃州之上集作泛然則別字無事獨與道俱遇物成不遷之論閑吟有定後之作可謂遠也矣曩予師來集作東越業天台之道追石門之游爾來已十數年長松飛泉寤集作寢寐吟想送子于徃情如之何東南高僧有普門元浩予甚深之交也相遇之際幸說鄙夫擾擾俗狀且當深灌心垢再期於無何之鄉

送皇甫尊師歸吳興下山序

前人

尊師以齊物為師抱神為事有年數矣外則質貌蒼古遺是非於耳目內則冲氣浩然卷虛無於橐籥常誦道德上下篇徃來吳中諸山如浮雲獨鷗自適其適吾陋且遁跡不暇又焉識其所以戊辰仲夏覲于山陰精舍于時方牧追右軍許邁之期下走集作喜作壺丘禦寇之遇亦既合契於焉鮑和百骸自理滓濁如洗先是師藏道書于汴山之下留止未幾忽乎將行不受一毫之施且輕千里之別有以見無待之情矣予欲脫形神於鞅絆蹈方外之逸軌有志未就心焉集作馬火馳命養空而游相從

於赤水之上師乎師乎斯言不苟也夫

送常十六進士及第後東歸

前人

蓋都有司馬楊王遺風生嘗簿游西南覽其江山頗奮文辭歎蜀解朝四子講德之式及夫秀士升貢有司處之以上弟時輩歸之以高名飄飄然有排大風摩青天之勢今歲後四月謝諸朋游輕騎東出且以五綵之服拜慶于集作於庭闈榮哉孝乎是往也予嘗與生為五湖之游矣今則繫在柱下不能奮飛送歸如可為媿為美大雅云敬威儀以慎近德善雖有雜佩不如此詩輟而為好以志少別安定梁肅序

送元賜赴舉序

前人

自三閭大夫作九歌於是徼楚之詞流於後世其音清越其氣淒厲吾友君貺者實能誦遺編吟逸韻所作詩歌楚風在焉初元之明年予與君貺兄洪俱淮南參軍事屬河外塵起羽書狎至每沉迷簿領之際一見夫人清陽則煩襟洗如也又常愛其人也澹然其靜也曠然其適也泛然其德集作無不與也且從賓薦之禮以赴揚之期又見其志也秋氣云暮益成草衰亭臯一望烽戍滿目邊馬數聲心驚不已感離別於茲日集作辰限鄉關於遠道孰曰有情而不歎息傷時臨岐者得無詩乎

送薛評事還晉州序

符載

十八年秋七月余自潯陽來赴丞相府與評事始相值初揖其風貌次聆其嘉話終覽其篇詠如遊三山入仙洞沉深窈窕稍造異境煙霞草樹別有姿狀使人澹然忘歸也夫詩之所主大者存諷刺備勸戒勸風俗之美惡細者眎江山采雲物導性情之幽滯評事公之什才思凝遠高韻孤枝躍出廖廓至于天池

雲飛鶴去不可附近尚使名聲獲洛晚歲不偶斯乃執文柄者
之咎也薛生何有哉廣陵握手秋往汾晉渺渺長路蕭辰氣清
想君馬上見落葉聽候鴈一吟一嘯自有遐趣亦足以開遊子
顏也千里之別勿復恨恨

送袁校書歸秘書省序

前人

國朝以進士擢第為入官者千仞之梯以蘭臺校書為黃綬者
九品之英其有折桂枝坐芸閣非名聲哀落體命軾軻一作不
十數歲公鄉之府緩步而登之袁生富有春秋徒豪健之姿心
氣剛明端行美文余始見於海昏抵滏浦西遊長安長安士大
夫甚多之日者昌黎韓公尹京兆即鑒之下應卿賦浩浩千輩
生為甲冠繇是為聞秀才焉天官侍郎以判銓調士生涉高級
繇是綬讐校之官焉於戲人之生也患詞不脩談不立苟進取

行已者盡併

一作

生也欲逃問望傲富貴其可得乎去年秋有

休澣之請來覲于伯兄展禮於亞相棣萼增輝之盛賓主得

厭厭之樂道光事備青春北歸柳出一作帝里蘭芳省暑蕭侶

持觴吟弄風月

一作

籍籍當年為樂如何走以嘉禮一來江夏

相值於諸侯之館因得以群彥賦祖行詩實以從此旋歸舊隱

偶長松老鶴為度時之適豈復以華髮為肺一作腸之慮哉中

朝珪組

一作

君子太平皆匡廬之舊間闊久矣為余揖其休暢也

送崔副使歸洪州幕府序

前人

今四方諸侯裂王土荷天爵開蓮花之府者凡五十餘鎮焉以
禮義相推以賓佐相高長城巨防懸在一士苟人非髦彥延納
失所雖地方千里財富百倍一作有識君子咸舉手而指之我
主君常侍李君以南昌軍倅碎于崔君真得賢也崔君名稅字

公約天質方厚氣色淳重有端正之行業有操斷一作切之利用

柔則水順剛乃山峙工文章善笑譔一作談言語飲酒可百觴交

朋好與遊者如攀瓊枝坐瑤圃油然竟日而不知厭也始以貞

幹調補義興尉叅河南府軍事割而不細曠而能斷蹤跡清直

風聲鬱然是知動公卿之顧走群府之檄士林籍籍有自來矣

十六年冬自洛陽抵襄州歷江夏將祇承本府之命大夫何公

上才碩望作鎮茲地四十年矣急才愛士與渴飢等每賓客至

登膺門陳榻者輒損折威重降就禮數歡愉周旋襟期洞開况

與常侍交分重丘山疆場連風烟見我從事暫如會面不得不

留連繾綣以道平生之意乎繇窮勝賞酬一作極宴醪景無徒盡

花不浪發江夏郡東有黃鸝山山中頭陲大雲精舍顥師竹院

惟一師茶圃又有東城石壁壁前有桃李樹千株澤國多雨芳

華久困適值寒食前後天野晴明衆花齊發火然雪白異日也

或嗤九劔之跳躍鄙絲桐之嘈噴大夫乃減徒御挈琴酒相與

屢遊乎其間遭石坐而觸陰而息雅杯徐行微微春風好鳥一

聲為我笙鏞往復如此彌旬累晝皆所以竭主人之志盡公約

之歡也明發理棹黯然愁慕南浦悠悠別如之何於戲古人云

良辰美景賞心樂事四者難并今實并之矣常恐後會追之不

及恨恨正在於此耳公約得不思之乎得不念之乎展布才力

好輔君子以成賓主之美乃所望也副相視事久困倦劇未能

操觚抒思故小生敢於叙述冠于首章不知慙怍之無從也請

咸賦春中一物為道路之志

送盧端公歸巴陵兼往江夏謁何大夫序 前人

已卯歲主君以清淨之理治洪州之三年也侍御史盧公自江

夏展禮于我來之日至往之日凡甲子四焉享勞祖較憮然不足即客之重輕可知也將行主人賦五言詩一首韻諧金石光寵道路亦命酬和璨如編玉顧謂部從事符載序而導之元端公名秦卿一作師字成業有當世才幹瑰瑋磊落不縈苛細工為文能讀三畧六韜觀其發論指畫規模宏核貞卓然之士也中歲輟軻竄逐江湖萍泛雲遊二十餘年常侍於公有松栢之心有鮑管之知故再遊長沙一至鍾陵相望益重相歡逾劇方翻驛驢之足兼鵬鷲之翮電發千里風生九霄豈止於實其裝橐而已哉蓋通塞有時難與命言悠悠北歸悵望如何山有木工則度之常時而與矣况在其封域焉載知副相必起羸發困結攬賢傑延於參畫之地寧使涉洞庭波視木葉落疑守蓬戶飢餓旦夕哉勉以風水唯當痛飯高秋之別

送盧端公歸恒州序

前人

今天子纘嗣鴻業也雨露霽然洗濯八荒藩偶文謚交修聘問是以侍御史盧君奉本府司空王公之命以乘馬玉帛展禮于我焉夫使之來也擁萬里之傳結四隣之歡大或議兵食細即道疑曲重輕之齊懸於俯仰非才人快士之選即何以當之端公少而能斷壯而宏達練時務之畫負豪爽之聲始至也其氣直而肅其詞遜而婉其儀恭而和折旋應對雅會機要我太尉公悅而延坐與語目為雋異顏色禮數橫家其間可謂賓之秀發者也繇是先大師之意達賢司空之禮備宵襟之志也展賓主之好也深則皇華之美盡在此矣亦何必誦詩三百然後為得乎太尉南康公作坤維之梁柱二十三年矣大勲大德播塞宇宙藻籍古今迥無其曹明司空英姿粹氣授於天造忠厚義

烈繼芳前休異日也合德同心翊載是思勤於王家康活民庶
一作廢物小子見史臣載事之筆濡翰流離之不暇也實近為司空
抃手而遙知端公徘徊此地久而彌暢太尉嚴館戒吏厚饋其
一作牢羊米禾勿薪亦如之唯恐其超然道別也端公感惜恩貸
屢迴往駕自去歲之鑿冰至今歲之沉火方遂其行焉蟬鳴
雪涼颯欲動繚繞長路愁懷若何九月十月之交想端公下太
行抵常山停車騎拂霜雪嚴城旦開予戟如林復命于雙旌之
下赫然有光也主君以尊重之命下介引而叙之抽毫之際臨
深履薄之不啻也咸賦四韻以代輒之贈焉

送盧侍御赴令公幕序

前人

持俯仰全檢劑從容溫謹之地齷齪之士也跨時俗尚竒偉抗
志風雲之表縱橫之才也監察御史范陽盧公神宇聳峙襟靈
爽接脫竒細於塵垢得豪雋於意氣義分刑於造次才盡充於
懷抱邁跡遐逸與人無倫年未弱冠為鄱陽尉目事必剖間無
留刃勢掩曹輩快聲颯馳江西伯常侍鮑公祭酒李公寵以賓
介之目授以叢劇之務或政闕漏我能補焉無幾何驅車遊遠
北至但冀聞以利計于司徒王公司徒器之開深沉之懷垂沛
然之愛歡則膠固義存諷諭故不能四五年始自黃綬歷廷評
司直冠惠文冠御史雖取恩知己實自躡青雲之梯也况年纔
黑髮采色照地思奮於名跡其心嶷嶷則氣高五白之博室有
千金之數直大夫豪達之事豈足累隘目一作日之祖耶一昨扁
舟南行次廬陵郡下適值侍御將歸華幕幸接便道為共濟之
遊話酣意密一作察備取賢主君之盛業歡喜失次若無所從因
輒以狂瞽私自恃度以為人生於世其公者樹勳烈銘鼎彝休

聲巍巍垂之無窮其私者富貴壽考而已矣今令公功德格皇
天忠義貫古人地方數千里甲兵十餘萬身為上公壽方無疆
英英三子殷如川瀆尚書以寬厚保師旅大夫以沉毅威暴亂
都尉以才智承恩澤一門雄雄洪業所鍾生入之美盡於斯作
此矣承天下之務者時也射萬世之利者勢也若當此時抗雙
旌驅四牡星馳丹陛對敷休命彼燕趙東平之諸侯恥不若也
皆執玉帛爭脩覲禮使純誠動鬼神之感光耀增日月之輝君
臣之道穆穆皇皇則史冊之美又盡於此矣夫何大戒之瑣細
而敢為大國之患難紆令之思慮哉侍御犀額鸞領骨狀甚貴
懸知是行也必能露丹懇馳飛辯大陳明義以酬國恩一作山
中異日偶承來問聞侍御褒衣結綬從公于北闕之下明天子
以卿大夫印綬加之不可得而讓也窮秋葉脫鴈號霜勁矣行

道開襟下帆鍾陵衆君子珪璋儒士其華照攬美侍御之所從
也樂請杼詩什以貺之載懦夫也醜勝
疑二字所謂以附于叙末

文苑英華卷第七百二十六

登仕郎胡柯 鄉貢進士彭叔夏 校正

文苑英華卷第七百二十七

序二十九

錢送十

夏日盧大夫席送敬侍御之南海序一首

鍾陵夏中送裴判官歸浙西序一首

潯陽歲暮送徐十九景威遊潞府序一首

荊州與楊衡說舊因送遊南越序一首

宣城送黎山人歸滁州上瑯琊山居序一首

奉送良鄧上人遊羅浮山序一首

奉送裴二十一兄閣老中丞赴黔中序一首

送安南裴中丞序一首

奉送黔中元中丞赴本道序一首

送水部許貞外出守郢州序一首

送建州趙使君序一首 送循州賈使君赴任序一首
送歙州陸使君負外赴任序一首

夏日盧大夫席送敬侍御之南海序

符載

今天下司王職之官官立帥帥立屬制置茲久繁冗日甚二年
春皇帝以易簡之道大出元吏詔近臣冠惠文冠者四之分行
郡國以權之所至之邦乃布粟帛有廢供給辦二千六百石得
自考課殿最以聞朝廷重其奇能其人以鑒察御史敬公清明
上才克荷斯任故自黔中距于南海盡得而董之夏四月辛巳
至於江夏六月丁酉馳于巔嶠鄂管連帥御史大夫盧公闢以
高館羅以籩豆搜文以餞之禮也先是侍御之至風威儀稜江
湖颺馳如霜氣肅初莫不震惕我大夫政有和裕賦無逋曠饗
名籩朝問候君子有以見天王之臣行者以威重居者之恪敬
也且國家尚兵已來百萬君食仰給黎庶者數年矣至於靡弊
等劇矣今群冠底定生人始泰如肌腸凍骨易施饘粥是行也
軌大中扇皇風決滯寃察賢良使海隅蒼生沐浴汪濊者正在
於是豈獨責稽逋之乎小子監以儒列廁末座大夫歆卑賤者
得申其志猥而命之載以栖山林詞樸意拙跪受簡牘伏用醜
汗然各請賦五言一章頌皇皇之盛者

鍾陵夏申送裴判官歸浙西序 前人

樹生人之末籠天下之利益鐵而已矣非剗犀切玉之器操劃
利病之權務通泉貨上克天府下活人命則不得而居之國家
季中丞李公以王賦之柄輕重之權實才授也去年春三月至
于秋八月不兩關中飢饉職司憂焉以豫章江夏長沙諸邦地
產環材且憑江湖將剗木為舟以漕國儲乃命河東裴從事承

檄擁傳與三諸侯圖之從事名滉宇瀾之風緒高華中和而深
 敬恭文敏羽冀吏道妙以幹局為萬年尉中歲遠竄乎南徼會
 恩澤下降李公聆其才而辟之方今藩維大臣奉法謹文所至
 之邦朝令夕供加以瀾之禮以持外誠以發內温温多可中無
 庇吝故方帥地主瞻其顏色聽其聲氣略去刑體相與懽愉醴
 斝之下闔然事緝斯所謂賢士哉若人也與夫用威造勢者豈
 同年而語耶耿耿千帆從風飛揚復命主人實亦有光或者云
 勤不報屈不伸余不信矣况我公於公揖珪璋之望於斯敦中
 外之愛感歎流落慨然盈懷即異日調和鼎鼐掄材取士得不
 與中丞同力合謀也水國方夏白波無邊穡鳥一動吟嘯千里
 主公知非文什無以紓一作緩離志奉送將歸猥令首叙腆焉如
 缺但欲言鼓詔護者之唱調耳一作但為鼓唱

潯陽歲暮送徐十九景威遊潞府序

前人

道舊太同志之至歡乎遠送者有情之至悲乎二者激人中腸
 我獨何謂鍾此懷抱始余與徐君職面余獨一言道合遂相顧
 攬載即丞往候太傅夫人起居他言余及楊郎中借詣梓潼依
 李公傳生亦相從其於講道藝攻闕漏時上下鄴中諸山賦詩
 舉酒吟嘯風月每至忘刑骸也爾後鳥飛雲散南北四去邈邈
 悠悠凡十餘年一作余被命召為江西從事生乃枉道顧訪病
 劣不任罷歸潯陽生亦策馬相隨余茅居一作屋在郡南西嶺下
 前有芙蓉菱芡後有高梧大竹家貧無他具日為徐君春黃梁
 爨園蔬鱸鱠數氣相顧下筋頽然簷下快然偃仰至宵夜即燎
 薪火觴白酒引滿之際更語曩事襟期浩然如太古時人間萬
 累無非糠粃斯一何為樂之甚也徐君僑寓成都日久常欲扶

侍尊老歸家洛陽寒氣綿薄不與意會有澤潞從事尚書郎郗
君士美生之姑之子也長材端操敦好中外將自茲治裂裳而
從之開顏未敦通熟執袂相送歲暮風雪獨游萬里會面寄書
杳杳何期又一何愁慕之深也徐君方厚有氣氣履行醇固善
為文匿筆用晦叩之乃應加以身長七尺聲如笙一作簧能飲
酒斗餘談語矚矚自有標韻所至之地方伯牧首洎賢士大夫
莫不為子前席倒屣即士道其幾乎喪矣况山東望雒諸侯賢
明舉才携鶴樹勲當世豫章之幹寧逃於班翰之目乎厚自珍
重無患知己崔君行先齊君照一作照予之舊友也郗君士美盧
君項予得之友人蕭易簡也此君子皆以宏才實畫幕中寒暑
推謝為余問其恙否助復以是便代雙鯉

荊州與楊衡說舊因送遊南越序 前人

載弱年與北海王簡言隴西李元象洎中師高明會合于蜀四
人相依然納為友遂同詣青城山斬刈葦葦手樹屋宇俱務佐
王之學初載未知書其所覽誦竟句而已發師明大體擊去庇
雜誘我於疏通廣博之地示我於精淳玄顯之際惇惇之道實
有力焉無幾何共欲張聞見之路方乘扁舟治三峽造潯陽廬
山復營蓬居遂我遁棲二三子以道得相播以林壑相高精綜
六籍翔翔百氏繇是聲譽一作聲然為江湖聞人居五六年
載出廬岳歸蜀問起居中師愛惜離思振衣相送沂九江歷楚
抵秣歸而旅執祛之際互修前志已已歲自成都至中師自長
安僑寓荊州羈旅相依各彼婚娶困于柴水去歲迄今山間荐
臻王李二生相次殞零草堂無主雲林索寞鄉風長想不知涕
之橫墜也噫青城匡廬岑嶽際天下有煙霞上有神仙緬懷曩

昔逍遙其下肯負素琴手持道書桐泉掃石吟嘯終晝一字有是

時年少無事費傲光景造適則止不知其他孰謂倏忽與中師

啓頌襟期晦明一十二年于茲矣辭山林墮塵滓五變星霜矣

歲月馳于外憂喜攻于內動非濟當世之務靜不庇環堵之室

泥塗碌碌視日旦暮永言念此享用慙穢思欲攀石門之松桂

宿靈溪之煙月可在得乎然跼度者多繫乎出處知幾者不滯

于進取前年冬中師聊整文思起嘗於禮闈間飛聲騰陵譟動

公卿當疑作常伯翰教俯授高第雖不當素尚亦天路之鴻漸也

世之繇此而進者必聯振六翮聿求昇翥苟有便捷一作振躍登

青冥十六七矣中旅師食淹恤內顧歎寔策馬南向慰其室家

未幾而囊金中罄庖煙屢絕乘時蒸鑠將遊炎方又何其濩落

也相國齊公挺鸞皇之儀鬻經緯之暮新荷天寵鎮安越服執

事行業明白且曰親舊或將修假道之禮不為丁寧結約束以

自輔乎重慎舟楫無畏遠道議者云五嶺風候加飡飯日舉醇

酒數觴可以佐助正氣生其誌之

宣城送黎山人歸滁上瑯琊山居序 前人

有沃田有良耜土膏脉發凌春而耕之播重蔭之種極耘耨之

力其或七年旱九年水穫不登於秉庾者此天時也非為農之

不精也用聰明端思慮古先典籍鑽研而求之以道德為冕弁

以仁義為組紱其名不光其位不及身尚嬰於貧賤者此人時

也非為學之不至也山人誦堯舜之言服堯舜之行四十年矣

鬢毛斑白龍鍾布褐得不曰命之水旱歟山人名復氣清骨植

凡能不入揖讓應對甚有素士之風探頤以知章居易以安貧

立誠以守晦服勤以樹善始結茅於滁上有瑯琊山清泉白石

羅在戶牖耕漁之暇時時開素卷飲濁醪以雲霞為賓友以林
籟為簫管頽然竟歲不知其他頃有好事者日抵其廬舍莫不
叢口一意頌我丞中崔君之賢明山人聞風秉足於蓬戶齋心
於宣城手持短書候敲鈴閣中丞厚德如山愛敬士大夫降千
乘之嚴貴納縫掖之顛顛相與談話惠其氣色枯株
旱草霖霖膏兩嗟夫古人云國士遇我正在此耳何必他感然
後捐軀乎况復與其文藝之優瞻慨其羽毛之頽弱將欲借搏
扶之力鴻漸之勢拔自泥滓化窮為通黎君心腸得不快然哉
中丞下車日久政成俗阜倉廩實禮義立府中清淨白晝無事
遂甘心於賓客焉朱軒洞開四壁風涼彈絃清歌絡繹行觴簪
裾荷蕙陶然一醉居無何山人有歸歎之興中丞乃抽妙思動
高韻以大雅之什賦之文人幕客聯和瓊壁組繡鄙夫知到山
之日猿鶴顧迎視有喜色也嗚呼戲一作幽蘭生於大澤香薰芬
馥過時不採摧於蓬蒿矣黎君隱於滁上蘊才蓄力是行不偶
老於風塵矣去矣自愛謹候休問載卑客也才識短陋猥以叙
述冠于群什如處泰山之上兢惶惴恐之不暇也敢為首乎

奉送良郢上人遊羅浮山序

前人

良郢法師多聞強學風表端淨拔乎出萃者也始童子剃落轉
持麈尾講仁王經白黑讚歎生希有想既進具酷自砥礪加之
以聰明迅飛至於修多羅毗尼達麼書雜如是若干鍾法上人
悉知解以佛門言之文學則游夏也以法將則韓彭也異日必
能破魔軍闡玄風當來像教不墜於地矣甲申歲夏六月中丞
楊公下軍長沙之三年也余自故山扁舟一葉主人舍我于東
館師荷簦振策惠然相顧始見其青蓮眼目水田衣裳則心則

權如也次聞縱論雲湧波委甚嚴如也居累日報余以羅浮之行雲心不定稍欲引去意沙門釋子棄捐萬慮携三衣體乞食自給晦宿聚落朝行亂山心冥境界何樂如此悲夫塵勞之士校名利弱愛縛區區于尋尺之內寧復懷拱於方外之蔭哉常聞說者云有蓬萊一島浮至與羅山合并因命曰羅浮風烟草樹牙有異態余未嘗踐履其心拔癢師到日為我殷勤手疏寄北來檀越也

奉送裴二十一兄閣老中丞赴黔中序 權得與

裴兄居諫大夫五年休問籍甚其於匪躬據古切劘敵替掖垣衆君子徒見其拜章伏閣而莫知其所以言者然則發舒純誠弘大聰明以貢於穆清者可勝道助每漢廷大僚與六官貳職之缺群情屬目侯其授受久矣壬子詔書有黔巫長師之拜秩於清憲褒以命服周行諸公以為一方之幸且惜其去而未喻也及夫別殿前席沃心交感重藩符之所付慮文集之不稱凡所以輟近臣惠遠人之旨纖悉備厚上許周月之代兄來三歲之理又以見首公急病而忘其勤遠淹郵然後諸公知惜別為

細而感恩為大在此行矣自詳詞或見後漢至唐人多用二字亦柯皆船棧也或從牛前漢及他書或以為通道夜郎吏以示綏懷以安剽經失其理則蕭然

然擾得其和則驩然感悅方略招徠繫於官師以兄之慈惠直

信粹清廉白為仁由已不改其度使大化淳流在明誠洞開推

人情以賦政便習俗而不擾彼四封集作境之內如熟得集作待濯

如水走下史臣操簡以傳循吏使者急宣以將徵命雖欲復三

歲之言其可得乎未間則褰赤帷飲醇酒晏晏言笑中無町畦

雖鬱蒸霧雨之候無自而入矣大夫夫被薦紳彰華纓弘宣職

業無有遠邇則嚮之玉堂清禁論思侍從與今之龍節前導金龜映組皆所以事君也豈有中外之異耶祖較霑醉宣言相勉在加飡寓書而已至若山川風物與騷離瞻望之歎皆備於詩人所賦故不再書集作慈不書

送安南裴中丞序

前人

士君子循道致用感恩宣力則萬里如咫尺集作尺溟波猶康莊况

金印照路熊車伏

集作狀熊載較

提封甚濶命錫甚厚此裴侯所以抃

笑就道視交州如衡軛之前則天時之庫熱地里之回遠皆細故也初裴侯夷退燕息未嘗角逐於有司且曰不試則已豈能自售其後累以惠文法冠為戎輅上介甫登中臺旋鎮南服蓋純鋼百汰不得自閉於匣中明矣今天子惠慈元元邁唐虞之風鄙夫司言九年玷辱清途集作近顧不裁成暮訓著一代典法

耗竭蚩鄙為明時羞思得上分憂歎下布條職使四封之內列郡和洽斯亦大丈夫之事也因君是行聊復起予追思往歲携手相樂與蘭陵蕭元植范陽盧載初官遊出處多在江介索然物故何可勝言又想夫楊柳古灣秣陵仁祠寒夜促膝歡言舉酒晦明颺馳忽二十年各來風波時一會合今日日出祖話別在加飡自愛而已至若馬文淵集作泉之功略士威彥三國志士變字威彥為交之教化集作懌俗裔人納諸掌握明珠文犀視同涕唾皆裴侯設中所畜也不復煩言

奉送黔中元中丞赴本道序

前人

中丞頃持邦憲靈襟

集作臺

坦蕩中立不倚公輔之望懸於人心

者久矣大方夷道且無町畦持刀筆者忤害為微故前年有餘杭之命左遷也大君端拱穆清深恤人隱慮遠黎之未集作教

之者以餘杭風政表課第一故有持節黔中之拜天之愛人斯
謂甚矣受命之日庀徒戒行鄙人以使者之微假道于此屬當
祖輟辱在賓筵敢宣言於集作執事曰夫蹈全德者事無夷險
播善政者地無遐邇然則五溪之泯其將泰乎呂梁懸水尚在
忠信矧夫黔巴故地方鎮專達惠飫夷落興行禮讓然後翱翔
清朝羽儀百寮倚伏之數庸詎知不以此乎夫臨觴捧袂愀然
悽愴此兒女之仁也固壯夫恥之愚亦恥之引滿舉白既醉而
罷文則不腆蓋指事云

送水部許負外出守郢州序

前人

吏二千石與中臺郎循良雋茂旋相為重在其推擇所切而已
故叔載以文叔而居郎位以吏理而分郡節時所重難輒居選
中其初以獻賦射策取甲科如地芥交諸侯之聘車不輟鞅繇
外臺察視入佐著作休聲日揚乃擢建禮與伯氏左曹等附相
鮮濟濟於公朝怡怡於閨門士君子永集作歌屬和以為榮觀
昔勤中之客能為陽春白雪之曲洎梁水部即何遜文含清律
重於江南今叔載必有類之詞此興溫雅其於宦遊宜乎典水
曹而牧郢人也况漢南長帥風行列郡郡守清靜公庶遵詔修
而已以叔載內平夷而外質重不佻不流佳言折理臺臺可復
施於列藩如發劓投刃况得漢南之歡舊矣又何疑於報政助
大則以充異微細猶轉遷劇部噉然前知不足為賀觴酒祖輟
姑以紓居者之愀愴云

送建州趙使君序

前人

予嘉趙侯者在京下十餘年祿甚薄而心甚泰操利權燠灼可
以願指變化者趙侯顧不游其津退然自得集作鄙夫識之曰

斯可以為君子矣今茲以蘭臺郎滿歲佩二千石印綬受明天子面命牧茲建人為仁由已斯以不細是邦為東閩劇地故相安平穆公嘗理焉穆公予之載候也故能言之當孝文避狄時巡之際移書四方詞義憤切密䟽奔問請以州師赴蹈凡穆公所以彰大名操大政者皆建之為也趙侯於斯時實為從事實榻虛左得之甚懽凡諸侯所以令聲籍甚四征交辟者由穆公發之也今日憧蓋惜時山川存問遺老淒涼故事至止之日情何可言屬者狀往行於考功易嘉名於博士斯亦士君子盡誠於所奉其可誣助頃予忝職西垣殆將十歲草列郡命過於百數每發緘含毫未嘗不惕然慎重以其四封之內性命所繫故也或歎趙侯官尚屈而地頗遠予以為不然昔孔門諸生以蒲莒單父著稱况諸侯之貴乎東漢循吏以交征九真報政况建溪之邇乎則趙侯旌軼之間猛鷲飛伏勞徠所及鰥孤樂康陟明善價如建瓴水雖欲勇退知止其可得乎南轅計日祭輟即路白晝羨錦如歸故鄉行矣趙侯當以書札為念也

送循州賈使君赴任序

前人

使君嘗以司直佐黔陽黔陽之政舉又以贊善守寧夷寧夷之人又乃今以周行慰薦詔領海豐天慈覆露無有遠邇及天書於循吏為後法程則古人交趾九真之績與河內潁川固何以異焉知今日麾蓋不為使君南溟之變化助追思從兄秀才為使君門問之賓曩歲晤語備徵理行愴族屬之凋落集作零益睽離之怊悵事可覆視言為不誣朱轡郡節三伏就路眾君子祖道或賦列為一編延頸屈指在徵書北轅而已

送欽州陸使君負外赴任序

前人

始予與公佐俱以圓冠褒衣息偃於江湖間練塘鏡溪樂在雲
水帥心自放相視莫逆其後則攻集作過內訟知道不遠人洗
其心虛以順外建三四集作年又俱以法冠翹車為諸侯賓攝
衣塵中與俗駕並馳間關道路離憂多而歡言少七年詔書以
禮官博士徵鄙夫於吳十六年以尚書祠部徵公佐于越其間
間濶忽焉十歲心期寓書常若對面中朝大君子皆以推轂為
已任未至如缺然亦既覲止笑與抃會月未再期麾幢在門繇
是大夫之賢者士之仁者皆惜其去以公佐有端操直質無巧
言譏笑得之自是不得自是故也今天子加恩元元慎重吏師
則列郡長人不輕於中都官明矣况宣城有賢長師以廉風俗
新安有佳山水以資勝踐為仁由已賦祿且厚此皆不斯集作
至而至者然則表課陟明疾若傳置行當以尺一徵書奪于集

於是邦邦人雖欲遮道借留莫由也已又惡用今日少別為歲
歲耶公佐嗇神自愛以俟良會

文苑華卷第七百二十七

登仕郎胡柯 鄉貢進士彭叔夏 校正

文苑英華卷第七百二十八

序三十

錢送十一

送崔端公赴江陵度支院序一首

送常起居老舅假滿歸嵩陽舊居序一首

送崔二十三文諭德承恩致仕東歸舊山序一首

送徐諮議假滿東歸序一首 送杜少君閣老赴東都序一首

送許秘書赴江西使序一首

月夜汎舟重送許秘書聯句序一首

送張校書歸湖南序一首 送陸校書赴祕省序一首

送薛十九文授將作主簿分司東序一首

送許協律判官赴西川序一首 送嶺南常評事赴使序一首

送李十弟侍御赴嶺南序一首

送李十二弟侍御赴成都序一序

送李十兄判官赴黔中序一首 送商州崔判官序一首

送右龍鄭錄事東遊序一首

送台州崔錄事文赴官序一首

相隱寺上方送馬典設歸上都序一首

送睦州李司功赴任序一首

送當塗馬少府赴任序一首

送義興袁少府赴官序一首

送崔端公赴江陵度支院序 權德輿

今年春上始命二小司徒主量入經費之節辨繇賦權筦之法皆內有郎吏外有從事多冠惠文冠分道將命督課郡國其或才軼群倫望重縉紳者惣二府之職而兼領之故執事有今茲

南荆之命用能選也初執事以名聲文采為士林所仰方退然深居於華陽僊府講道肄業恬曠自居諸公之辟日至山下且以道勝於內則出處不殊儒衣昂然徐就知己及參惣世物更居劇職動成故事去如始至論文變則能窮損益之旨商功利則能通輕重之權故數年之間三踐憲司赤轂在股襜如褭博諸生榮之歲十二月自鍾抵江陵驅車即路不憚冰雪况騷楚遺韻風江遠目在此路也情如之何五言詩送別之始故自載臨川蕭王二桂史已降皆徵文賦遠字用五而詞多楚者以地理所歷且行古之道也

送常起居老舊假滿歸嵩陽舊居序 前人

九年正月左史常公移疾既喻時佐曹以聞得請當免遂以角巾野服如東周舊山

集有前此二字恐非

中朝廷播

集作薦

紳先生之徒車

穀擊於通馗觴酒交於竹林執其衣祛惜乎分陰弦晦屢彩其
 權不厭或發於歌詠以將厚意外孫權德與序而言曰大凡士
 之生世有三道焉其出也宣其功緒播其利澤納忠服勞以服
 天下其處也味道之腴與古為徒休影息迹以閑身世不如是
 者細則牽於利欲大則囿於得喪識真者羞之公之先扶陽始
 以丞相致位為西漢盛典逍遙以安車不屈為北朝外臣至是
 左史又能伸其志以弘其世嘉遜德風盛乎一門况吾君用大
 和理萬物動者靜者各遂其方則陳力以致用潔身以弘教其
 利一也故左史得以聰明為駢枝以名聲為纏綴無耗氣無焚
 和退然葆真獨與道往鷗鳥不動家人忘貧是行也孕願者知
 惧矣出車家林揮手青門擁途而祖者惟恐不及合權也志印
 較之輕重陳詩也無章句之束約放言無擇造適則笑行觴無
 筭既醉而罷虧成彼是曾不得此集無棲於急慮之中而惠風開
 雲飄拂左右動用視聽無非大方推排集作是擇而廣之則泛清
 尹陟嵩丘又可知也小生無以為贈四字集謹序其所以然附
 于編集作

奉送崔二十三文諭德承恩致仕東歸舊山序 前人

大易君子之言也有出處語默之異或有猷有為以宣事功或
 不營集作不伎以順天理則陳力集有巖廓之上潔身集有巖
 石之下皆其所也至於振風聲以助時化無乃處者裕乎丈人
 燕居積四十年而天爵人爵合發至京師周月而解巾致政之
 詔再下豈徒然哉初躬耕於延州三茅山之趾安仁食力聲利
 不入心虛集作曠而體胖道義富而家肥閨門淑行流於當鄉
 黨泊然與白雲鷗鳥同其無事去年春鶴書下江南江南守臣

多方以止之至止之日褐衣召見未受命而待公朝循性蹈道
不遷於物抗章乞身詞直而明凡五上而後得請之詔下寵秩
優禮周行聳視上以為天下之本至重必咨賢人以春三善故
命賦命官皆在於是及不得已而賜告也猶以審諭道德處之
不然者豈無他豐祿耶蓋尊元良以貞萬國聖人之心也戲夫
士能自審出處之宜而不惑者鮮矣或圖集作圖於利欲四顧
滿志或沒於黨類不能自還嚮非強志峻節噉然清利大圭不
琢獨鶴無侶難乎哉追思曩歲一踐巖逕盖二集作三十年矣徐
話舊故有悲有懽唯冥冥翰飛不可及已輕裝喜氣勝於道勝
軟輪徐驅故山有輝想夫草堂環合喬松千餘本交柯醫景吟
泫風露幅巾長謔偃放其間一氣不耗四枝交暢清時外臣其
樂如何非仁聖不能全不奪之操非堅強集作不能果獨往之

志惇史古風復行於今群公惜別飛蓋擁道如漢廷祖二疎故
事而類之以歌詩德與泝其心源也孰故斯言不忤

送徐諮議假滿東歸序

前人

徐生用經術歷太學太常二博士諮議於王門徊翔于天朝褒
衣赤輅官品第五移疾請告歸息于讓王之舊卿其進也量力
其退也脩性斯可嘉矣國朝禮文酌損三代最為詳正生所洽
通而又采獲古今亡於禮之禮者論考稽合頗有條貫故顧居
守夷仲徐左曹元封今歸侯公和皆深知之生喟然曰州閭達
者周落大半吾過懸車數歲已為壽班在下大夫不云賤况天
爵貴於纓冕田廬樂於都邑思雲臥水宿食稻於魚則華櫟列
屏不如是之適賈勇於退不能留行可以言賀胡為愴別鄙夫
嘗游息三吳間殆二十年每耳聞水國如話鄉黨則徐生之吾

之僑舊也可忘舊耶商遠皓矣以不才者處之退朝隱几幸類
休沐江海之思油然而生適因送歸愛此行色時歲荏苒去異
糧無幾何多疾早衰筋骸日耗乞身自便雖未敢言涉江而南
聊寄夢想秋月太子賓客權德輿序

送杜少君閣老赴東都序

前人

叔通之於文學政事若雄鋌百練窾卻中節比年

二字集作頃

由東

曹郎給事黃門俄以中執法守上洛得幹支郡視方任焉乃

集作

及今亞尹洛師實顓府政冬十月至自繞雷來朝京師三接面
命出車就道凡所以慈惠東人者得悉數焉以叔通之華資茂
實而須長師於後命者蓋使洛邑耆老周知功化然後尺一詔
條焜耀恩禮夫如是則吳公之理平第一不復專美於前書矣
又豈以翱翔集作旬朔疾徐為叔通道耶收燕元老理具惜別文昌

六職夏官卿趙公而下舉白出祖交歡道舊鄙人病不能醉亦
笑言擊節於其間眾君子皆賦愧序引之辱

送許校書赴江西使府序

紳冕之士角逐於名聲者必以射策東堂校文石渠為稱首於
公範言之皆其細者予與公範尋世好以約交道獲申十年之
敬出處多故及茲再會以包諸公之議今日得之心包大馱口
折精理可以稽合同異懸照是非夫然者焯當世之譽交大府
之辟疾若機響不亦宜乎國家尚用兵車之會且思盤石之固
俾賢王秉旌節出江西諸侯辟書四下大搜雋望公範拂拭絳
掖從容長裾赴知己之命伸丈夫之志固當酌六經精義以贊
軍政俾介冑之下禮讓興行且以中庸明誠之根本覃思於文
藻致用於政事發劓投刃固在於遠者大者庸詎知今茲一舉

非圖南之羊角耶臨岐話別以勉固志業而已若愀然涕下以聚散為念此可畧也衆君子置之

月夜泛舟重送許校書聯句序 前人

公範持江西辟書駕言即路其出處之跡與婉婉之畫鄙人不腆已為之序引且吳抵鍾陵二千里而遙凡我諸生愴離讌之足集有故再徵斯會秋月若晝方舟沂沿笑言不詳引滿造適公範乃握管作三字麗句僕與二三子聯而繼之申之以四五六七以廣其事如其風煙月露與行者居者之思各見于詞

送張校書歸湖南序 前人

予初與知柔交相見集有之禮雖未知其歸而意其賢逮今年方再會於鍾陵交歡甚言理理詣其容温然而不飾邊幅其中曠然而不施烏鏞渴善好義因而彌彰集作締交集作親

仁久而益敬其於官名虧成之際則得之是不得自是故年過四十方一命典校諸生以為屈甚集作而張恬然儒冠峩峩不恥弊緼吟咏古道以文自娛獻歲南征者以寓環堵於長沙故也亦將參質文於屈宋詳歲時於荆楚楓樹千里片帆鳥飛晨征夜泊無非詩與彼湘君帝子之遺跡江籬杜蘅之春色皆落君殼中矣而修輟者得無詞焉集作

送陸校書赴祕省序 前人

陸氏為江南冠族子容一門將集作以文藻行實振起風緒叔父群從歲為儀曹首科子容亦登甲乙雋校祕書集作錄是君子謂春官天官之舉不失人子容之名不過實歲七月將沂江流如集作京師途出練湖實集作訪予言別予業以貧病不能自振方具薑笠鉏耜耕鑿吳門子容以名聲文采官遊上國吳

秦之遠道處出之殊致在此別也情如之何子容諸父深源方
源我族之出有早歲遊處之舊故得君之道因是而深別離愀
愴亦用加等於序引也所不敢辭

送薛十九丈授將作主簿分司東都序

前人

夫人罷碭山尉之歲德與未一作既齷寓居南徐拜手之初就

傳未足以遜志歌詩未足以類事嬉于親集作席不知苞羞會

離之際亦命之賦爾來向三十年矣因緣進越濫次千朝而丈

人以河陰丞歲參調亦既感泣悲歡相乘微辨風采乍疑夢想

而又徵陽惲史氏之學發羊曇西州之歎家風代德有所未知

遺文逸簡甫獲傳授以丈人素履厚行含章立誠黃流集作白

珩粲然內照可以書惇史激簿俗者有焉方安舒以潔已恥孟

晉孟勉也晉進以枉道俛首受署不競於時方今王在在鎬東

人望幸百執事之府署盡備擇才以理繕工之屬分領厥司所

趨者靜其祿不簿集作且以嵩峯之下素業在焉與夫角逐

於京劇者異日輪也離觴舉白征蓋就途因以弱歲菲詞發篋

見示且曰今日之別其可默耶直書下情拜命之榮

送許協律判官赴西川序

前人

十年冬予與今左曹相君兵部郎崔君因受詔禁中雜閱對策

以茅具等將命於廷有請程百戰之功緒者且以郎吏諫曹為

言時相君為吏部郎崔為右補闕因相故曰直言方譏切吾黨

其可捨諸予撫手賀之以為得雋及後詔下徵他日方詞則許

生也典校滿歲西遊岷峨丞相彭城公雅聞其才辟以從事十

三年冬以府檄計事至于京師獻歲迴車漉酒祖道以子之直

而和敏而文策名於大府叶志於元臣搏迅鸞翔層雲將賀不

暇給而別何為愴衆君子中飲集作皆賦使鄙夫類之

送嶺南常評事赴使序

前人

大夫杜公用德礼威信訓齊南海居二以部從事擢召京兆常君君温文裕盡銳於術學在綺襦青衿之歲粲若氷玉年方冠仕至廷尉評擢大府之傳赴賢主人之命其徒榮之且楸柚巨幹不產培塿則知天鍾美茂亦多在世德其要聿脩之不怠而已彼吏理與將命事之細者况新發於劓銜及韜集作匣不折不剗之誠豈足為執事道耶予嘗被公辟書序在下介故以多病不敢遠遊南方祈集作報事者芳訊見及則詳言美化佇為中和禦戢之頌以抒下情

送李十弟侍御赴嶺南序

士君子之發令名沽善價鮮不由四征從事進者翔集翰飛蓋視其府之輕重耳則侍御之今日猶鄙夫之昔時也因想昔與今徐方連師王僕射德素盛府主公揚尚書達夫同登龍門於鍾陵爾來二十年矣二賢以大僚碩望當明天子注意分闡之重鄙夫顧無所用亦五叨中臺俯仰印轍以過量自愧追懷其恩舊敢志其所自耶况侍御温良敏肅用文術自贊初為州里所舉我屬聖朝以舊勲推恩累更祿仕集作再至京劇今茲簪法冠駕輶軒感於已知不計勤遠又焉知圖南水激集作擊之變化不在此耶既賀侍御所從又悅達夫之舉賓主之間仁義集作所在焉歆門告别思以言為貺至若洪範之攸好德盤銘之日新皆侍御所執也又集作何言焉謝敬達夫慎夏自愛無金玉爾音而已

送李十二弟侍御赴成都序

前人

相國臨淮公觀風俗於井給之下辟禮所及皆雋人賢士隴西
李侯虛中敏厚而文嘗拜中正鵠於大集無春官天官氏同門
生已翰飛三臺出入承明獨用恬退結黃綬於伊落或靜以勝
熱或羸而不囂予意其必遇真二夫治以發鐸刃今果我惠文
趨黃閣集作閣視其所舉問其所從可以交賀美行當見相君政
成一方執介圭歸上京集作台則掖垣侍從之選不在從事之賢
者吾不信也中外零落始衰多疾祖道握手漉然涕洟至若銅
梁玉壘之勝踐使軒賓榻之盛集皆備於歌諸者之說不能悉
數云

送李十兄判官赴黔中序

前人

今名卿賢大夫繇參佐而升者十七八蓋刷羽幕廷而翰飛天
朝異日之濟否視所從之輕重故予內兄以黔巫之地為夷途
安流者受署於中執法王君故也以王君之馨香望實宜處清
近父矣惟天愛人授茲一方則兄之赴知己誠可賀也兄端明
文敏焯見吏理奉百府之書奏陳遠人之便宜已集作以事復命
驅車就路敢用觴酒宴較擊之以言曰武陵辰溪四封十五郡
大凡五十餘城以仁佐賢寧彼縣道婉婉語集作語言化為風謹
然後徵理行之第一獻實察之功用夫如是得不謂所從之重
乎京師離群味嘆仁政寓辭鈴閣之下無金玉具音

送商州崔判官序

前人

商於之地與郊圻接畛藩部條職顯達於京師且有賦輿得署
實介今二千石以宗室貞幹自中臺即出守首辟博陵崔君君
溫恪廉清且以文敏緣飾三命官至泥水主簿吏理有聞以中
外之勲華之雅所憑者厚遊必有方集作常翔而後集然則君之

委質商之報政二者其相爲用乎園騎風聲夢想如在古祠喬木爲寄遐心

送古龍武鄭錄事東遊序

予弱歲時從師於黨塾鄭生已用經術上第誦古先格言圓冠紳帶綽綽溫雅里閨僑居年輩爲長迨今踰二紀三徙官至親軍紀綱掾青袍化緇班鬢如父徐道舊故悲歎相因以鄭生之理文脩行而職業未稱得不爲大來之將然歟抑食浮於人者或腊毒歟予不知也今則請急於環列遵途於江介懷舊遊也吳中多賢士君子居易求志爲予多謝之

送台州崔錄事二十一丈赴官序

前人

夏四月臨海紀綱掾崔稚璋受命選部出車東門是歲重表甥權德輿始至京師寓居同里顧其室空無以自貶遠輒竊仁者

之義申之以言云古之君子脩誠以懷獨居易以養正行實中茂而英纓轂外華其或不至則安之若命蓋直己而不必用蹈道而不必行居今行古者實鮮而稚璋是已言必踐學必思四命官率由會府進不苟而交不黷簡廉肅給推心爲理滿歲罷去則與令弟躬耕於茅山之下睦姻食力脩家法考農政嚶嚶申申有義有仁於棖闈被於鄉黨之動也之靜也得古之遺風閭然而未彰不易其方寧蹇連以終否無奇衰以害正華發承弁知者冀之且夫列郡之督郵視天臺之司轄地征之衆寡賦政之細大爲樞爲枳何莫由斯予獨知臨海之人受賜不暇矣又况琪樹風清石橋月明羽人僊子鬢鬢如覲遺集作遣有涉無與境而勝象外之歡可勝既乎今大君子主制河東諸侯府多雋賢且有稚知稚璋者庸詎知今日適越不爲異時之大來耶

二三君子送遠加等釀酒以祖道歌詩以發忠賢稚章而思仙山故也各見于詞

招隱寺上方送馬典設歸上都序 前人

扶風馬諫茂直直方中和之性發於恬曠放言遣詞示集作有餘力知名舊矣故相得甚歡觀覽其卷則警會心府三復不倦若霜鴻清唳松雪孤映或諸生所不能至者而茂直至之且多特集作操尤病苟進故調於南宮仕於東朝戰無勝悶官閑更適適相遇于南徐俄愴離居官局所係言施上國予乃與一二踈放之客詣精廬上方主人又以啜茗藉芳代夫飛觴舉白玄言至論大夫握手流涕時物具舉靈臺曠然晴江有楓千里在目茂直深於詩者衆君子以詩賦之

送睦州李司功赴任序 前人

都功曹實亞都吏而冠六聯選部銓署勤於他職李侯宗室子器幹明茂蒞官處煩率無留事清備綠飾傾心於士友此其可尚也予接李侯中外之姻十二年矣曩歲既展禮屬予有禮官之命來趨闕下今茲得調甫獲再會又屬予承乏代斷於儀曹不得授館以觴酒相歡總數四年在蓋將去離憂怒然竊聞大夫人賢明有闕華作門訓誡予之內妹主中饋歡以義出則事良三千石分曹賦事人則順承慈歡琴瑟靜好名教之樂豈待多祿耶富春江漁集作浦潭紀行之詩與郡中坐嘯主諾之謹吾知之矣旅屬羈滯於江南者衆寓書難徧悉為多謝

送當塗馬少府赴序官

予始與馬生相遇於南徐州皆以判集作校冗負涇涑文誼生以既不得調迺反初服與計借予放浪集作江湖間因為東諸

侯辟召旋忝朝命與漢廷臣並行於西垣南宮中時生窮閭欄旋食躬策未中積歲於靈臺之下儒衣甚弊詩思不詘亦與其徒三數生嬉春感秋觴酌吟嘯視豪游曠貴者傲如也先皇不以僕不肖使操刈楚之柄輒以得士自賀豈佳竊不遺不愉之目而已耶今茲一作出青門結黃綬筮仕賦祿於東南之與區且曰外兄州尊理行克茂所以利攸往而不簿於中都官誠有由也然則都齋言詩幕庭主畫雖欲勇退其可逃乎情和之月草木條暢京邑氣正在陽則舒方且會合坐嘆離索追計舊故向三十年湖塘里巷疑在前日各有班鬢愴茲離傑又何可言也為予敬謝中丞君乃者南康永嘉廬江晉陵已為二千石表率今當明天子守臣之寄為仁由己因又與前四郡不作賦政之暇知君自熟豈敢為曹丘耶但交賀而

送義興袁少府赴官序

前人

過江山水陽羨居最性質夷淡者得人愈深袁生愿恭文敏渴善好學今茲試吏其本可書先正南陽王實扶中與之運光啓士宇慶流後昆國有令典延世命官解巾篋仕偶得佳境况青春之年綵衣黃綬出則為政入則承歡以世德遺直而慎修之不息異時必復此其椎輪歟追思童非集作游寓茲地煙潭雲洞香籬靜深邑中諸生多業文者亦清輝勝槩之所發也生其勉之名集作衛許冒曹首類歌詩鏘然在聽猥徵不腆俾叙夫群篇

文苑英華卷七百二十八

登仕郎胡柯

鄉貢進士彭

叔夏

校正

文苑英華卷第七百二十九

序三十一

餞送十二

送從舅泳入京序一首

送三從弟長孺擢弟後歸徐州覲省序一首

送再從弟少清赴潤州參軍序一首

送從兄頴遊江西序一首

送從兄立赴崑山主簿序一首

送從叔赴任鄱陽序一首
送三從弟况赴義興尉序一首

送玄上人歸天竺二寺序一首

送趙依闈黎歸婺州序一首

送靈澈上人廬山迴歸沃州序一首

送渾淪先生遊南岳序一首

送從兄南仲登科後歸汝州舊居序一首

送紐秀才謁信州陸負外便赴舉序一首

送獨孤孝廉應舉序一首

送典平鄭少府歸上都觀省序一首

送巴東林明府之任序一首

送益山林少府之任序一首

送常熟許少府之任序一首

送建上人訪潯陽司業後詣涇原劉行軍序一首

送元和上人往五臺山序一首

送李孝廉及弟東歸序一首

送洪孺卿赴鄉舉序一首

送族叔行元落第歸廣序一首

送薛大信歸臨晉序一首

送從舅涑入京序

權德輿

從舅詞甚茂行甚修嘗見其緣情百餘篇得騷楚之遺韻故江

南烟翠多在其集作中蓬累江湖坎壈終歲而衣不襲突不默

彼乘堅驅良莩沒於康莊者復何人哉繇從舅而言可以言命

冬十一月方以大袂單衣繫書笈西遊且見訪曰予不試久矣

道不可以終窶今將遊上京抵名鄉以決出處其可乎哉德輿

曰時有通寒道有顯晦審時行道惟賢者能之今王度清夷紀

律照明宴安迷邦是為大謬是舉也得審時行道之宜矣又何

取規

送三從弟長孺擢第後歸徐州觀省序

前人

吾嘗思天下之理必求其端於行士博厚人文昭明則理道從

之孤卿大夫皆繇是而進得不謹於初以自重耶然則鎖干之
 及駟驥之涉百練千里必候知者此長孺所有獲進於左君之
 門也在君嘗貳六官之半復以網轄再臨儀曹銛鋒絕足於是
 乎得且爾齟歲集作年秀發好學不遷迫于弱冠餘勇可賈脩詞
 體物講貫習復發鏃集作功中的觀偉之夫每歲登名者四方之
 人皆屬耳目以評其當否不可誣也若爾之敬遜務時敏涼然
 得之異時遠至如在步武矣吾與長孺曾王文在永嵩開耀集作
 耀之間繼以賢能之書來獻於王庭德名家法華萼相輝暨吾
 早歲亦將低矚充賦而先友過聽遽以名聞蓬茅之中未莖而
 仕仕既而中外族姻有以前心見勉者吾以為雖冗員解巾亦
 君所命也豈不更名越禮以孟晉求售耶循性所安將寓湖海
 或辱賓召亦嘗從之頃歲以禮官徵在闕下因緣朝漿忝冒清

近既非所宜居常缺然歲時易過道義難就視爾之年猶前日
 耳每思孔孟不惑不動心之言以為允龜而未能也然則舉於
 卿者士君子之本爾能聿脩其慰如何叔父以廷尉評典城于
 蘄集作豐理有課最家有教義駕言歸寧拜慶上堂青純被體桂
 枝在手服名教者相賀况吾之心耶宗門單慙群從集作從弟之登
 登集無字仕次者不十數輩相愛以誠惜利為甚因爾之文藝徵吾
 之出處故詞雖繁而不能已也意風水之積厚也方可以負大
 舟大翼爾其勉之集有餘則節食集有良會慎夏寓書而已十四年
 四月從魯祖兄德輿叙

送再從弟少清赴潤州參君序 前人

今年群從之調試於天官春官者以十數典庶舉秀既有其人
 而少清以經明解巾參南徐州軍事其伯氏掾周衛叔氏浦郊

城代耕話別徵詩導志夫千里足下九江盪觴致遠就深在乎
不已况爾文敏脩潔澡身立誠廉莊勃澣吾見其往至如鮑昭
之詞律孟嘉之風流又其次也想自非歲僑居是那趨朝七年
束一作榮以紳珮烟霞井田如在目前舉白祭馘離夏加等尚書
公以政成事簡鎮安一方幕庭婉婉多我之執爾其敬恭以事
長者未為可知闇然日彰嚮吾所謂不已之道在此而已十三
年三集作二月醉後序

送從兄頴遊江西序

前人

昔安丘敬公以王佐之才而運丁符氏故經論大略堙阨不振
如其乘時行道可以財成家那豈上於相區區前秦與王景略
齊名而已時軋道塞從古以然德興與兄實承安丘之遺烈其
後枝流以食舊德故兄能踐中行蹈貞厲守師氏之訓修君子
之詞慤靜而用晦誠謙以居約者向二十年褰衣大帶名未發
於王府方以一葦為航遊江湖間今將省家於上銳順流於潯
陽羈旅之中未始以進趣為念鄙則不敏粗為哲兄言之自十
數年間戎車居天下之半故純白清靜之士多鬱而不發其或
倚佳名集作兵席世集作勢樹以取貴富者皆朝為屠沽夕拖章組
風波變化以萬萬計其次或雜與諸生之徒魁柱後惠文侍從
事使者之檄溢於府寺謹於傳置風流不還聲實相遠然則得
喪本不足以滑曠士之慮又况今之得喪耶先師日知足者不
以羨自累行脩於內者無位而不怍此二者可以書紳而三復
也鄙夫所獻者斯已矣如其地理所歷與烟霜之候皆備於詩
人之思此略而不書

送從兄立赴崑山主簿序

前人

士君子筮仕之門有以伐德麻廕而奉清廟齊祠者及夫試吏就祿與秀才孝廉卽等蓋以舊報流慶後昆宜之其於獎人為善之義深矣從兄承烏弁簪繡之後荷威蕤文誼之訓敏於學行而薄於官名乃今調於天官署崑山主簿以姑胥之通邑士衡之佳句僑舊耕種集作植多依是間上有良二十石為東諸侯表率其飾躬敬事夙夜勤敏椎輪積水或在茲乎從弟中書舍人德輿序其所繇俾群從借賦

奉從送叔赴任鄱陽序

前人

叔父端懿誠厚退然自牧博洽前載不以沽名待價為心德輿羈非特伏見從叔義興君戶部君送別二序自前秦安丘敬公至周千金恭公而下德善功烈辨其照穆叔父承千金廣川清水三葉紹封之慶其素履淑行三叔父實詳言之爾來三十餘歲矣服義日茂用晦如初以仁愛任郵復趨選部銅章列城得之不勤昔季路必不齊理蒲與單父為孔門上弟弘之在人仁遠乎哉况番君故地理下通邑其壤沃其境清惠和簡庶可以游及異日九江之西上百里課地於有司者其在叔父乎佐酒霑醉歌詩為禮有命曰爾宜序謹序

送三從弟况赴義興尉序

前人

漢廷諸公皆附經術而施政事故其有猷有為不疚不懼若况者嘗理左右史記事記言之經傳暮訓居有司籍奏中乃令參調署吏以養以仕言顧於行行本於經脩牲勤身而祿在其中矣夫學者病口隸其言而心不能通故吾三年第經明者三百餘士而知類通達者往往有焉嘗與賢諸侯河東柳敬叔吳郡陸伯冲寓書往復論取士之道二君子言之頗詳若况之所履

其吾欲二君子之所欲求也豈無多文之富耶而況不耀豈無
趣捷之敏耶而況不為蓋質素者受采必故平夷者遵道必遠
況之志其在是乎吾與況也行以五絲衣裳侍朝夕膳棗褐初
解綬黃甚新彼陽羨有佳山水王潭東舍溪南岳洞靈仁祠僊
觀邑子鄉導窮年勝賞筮仕於斯其樂如何有義賀義方之慶
輕少別之戚伯仲群從類其詩文亦命小子驟繫集作繫非於編末
時皇帝御極甲子赦令之後一月也

送玄上人歸天竺寺序

前人

度門之教根於空寂因脩以取正階有以及無不踐精深之習
而悟虛無之理者未之有也未得為得則其病歟僕又味斯法
司與言者既而得玄禪師師早誦大乘經各集作懲言數萬言脫得
關門之學今則色空如一哀樂不入矣桑門之患有二焉未得

之患為外見所雜既得之患為內見縛今玄公憫然於見之間
集作門不內不外冥夫至妙身戒心惠合於無倪且以勾無有山
水之絕境天竺又經行之靜界振錫而往其心浩然蓋隨緣生
興觸成化而不為外塵所引也幅巾男子權德輿稽首

送道依闍梨歸安州序

前人

予與惠公將十年而惠公以其徒依公見訪鬻然之和發於眉
予得其道者不待言說予嘗欲出健羨遺名聲不使塵機世相
滑潛靈符故每隨措紳士則神怠與依惠游則惟勝蓋循分而
動亦境所油然上人以東陽為山水佳地且生約二德昔所游
踐况雲洩古室花發桃巖是二精舍為東南甲乞乃振錫錫泛
然而行道機法樂盡在是矣如二者方牽攀世教未得與師為
方外之遊遐情幽掌期一二偈疏

送靈澈上人廬山迴歸沃州序

前人

昔廬山遠公鍾山約公皆以文章廣心地用替後學俾學者乘
理以詣因言而悟得非玄津之一派乎吳興長老書公掇六義
之精英首冠才外入其室者有沃州集作州通用澈上人上人心宜
空無而跡寄大字故語甚夷易如不出常境而諸生思慮終不
可至其變也如風松相韻米玉相叩層峯千仞下有金碧聳鄙
夫之目初不敢眡三復則談然天和晦於中故睹其容覽其詞
者知其心不待境靜而靜和會稽山水自古絕勝東晉逸民多
遺身世於此夏五月上人自鑪峯言旋于是郊予知拂夫方袍
坐輕舟泝沿靜中靜得佳自然後深入空寂萬慮洗然則嚮之
境物又其穉裨也鄙人方景慕集作行企尚之不暇焉集作惡敢以
離群爲歎

送渾淪先生遊南岳序

前人

予卅歲時遇渾淪於荆溪徒見其中山疑中羽衣有玄古之貌
瞻敬不暇未遑問道倏然一別俄六七年今茲獻春相訪於諫
湖之濱藥囊藜杖就館於我參希夷之旨析萬物之理皆發於
全僕冥于大道集作通非夫人之爲道道烏乎在嘗以郭氏注莊
生之書失於聰合萬物萬物無不適然則驚覽矣無非遂性使
後學者備然不知所奉因自爲注解作三十三篇指要佳言精
理特出古人之右矣天然者睹其容則鄙無自入問其言則易
狹於內兩忘所得得之至也既而振弗屢杖超集作然遠遊遊
洞庭陟廬阜然後揮手人世南登衡將常往而不返耶或暫遊
人間而不可得見之耶予風波之人未脫世累得以愚薄自全
靜每造適今日之別於忘言

送從兄南仲登科後歸汝州舊居序

前人

古者采詩以辨志升歌以發德繫於時風播為樂章有不類者君子羞之今兄能泝其未流泳於深源志之所之不遷於物以爲汨洳弟子起予者商而人嘉田之屢空鄙賜之屢中故帶經食力耕於予山之下環堵蓬茨若蔭華標逸韻麗藻鏘然右聽去歲臨入守首賢能之書貢于儀曹瞻言正鵠審固則獲首此亦嘗失之失退實無愠羸而不罵蓋能反諸已而已且用廉賈之道故也今將抵洛効歷平陽與賢諸侯交歡暇道然後自洛之汝燕居中林磅礴古昔務諸遠大鷲出幽谷鵬擊南溟將與群從叔李復修異日之賀豈止於今耶南宮郎有雅知兄者且與德輿爲僚徵詩賦別以附其志謹序

送紹秀才謁信州陸員外便赴舉序

前人

清旭燕居有秀才紹氏以儒者衣冠訪我於衡門之下用文一軸與次偕至訪其行也則曰將抵賢二千石陸上饒然後自江而西射策上國且上以偉詞邁氣侍東西之士士至者必循分加禮繇是衰衣之徒恥不登具間故殿中韓侍御元直工爲直詞嘗貺若以序故臨海寺李君子從父戶部皆以六義風騷爲師友又貺若以詩况夫植文於行內親仁賢於外強學不倦絜已以進今茲行也以桂林一枝爲已任豈虛也哉辱徵不腆良用詞達

送孤獨孝廉應舉序

前人

取士以孝秀二科古道也家有廉者時論多之君之群從皆以文藻射策或致位卽署今孝廉又以溫清之餘力行君業業茂行脩西遊太學吾子當

集作知夫

上弟之後不春服吟舞吟東還南

徐拜慶堂下粲粲門子經術發身人古有俯拾地芥之說斯盪觴矣

送興平鄭少府歸上都序

穆員

凡我東周之遊誰非子之門吏子之至也惠群公之思且惜其去之速子有別墅我為甘棠富清淫翠竹豐流鸞密樹比而遐幽而曠美而不筆野而不陋用厥群勝甲於東溪四月之節具芳始茂葉成清陰華結朱實中林惟籜碧玉呈鮮麥風之秋與輕暑偕至三二子春醪夏服於是乎宜之陟則在廷降則在舟湍冷竹韻合好蕭管時有山鳥雜乎其間群籟同音俱以留客而嚴城暮日與林泉意殊奪我當歡趣子駕諸公以為他日過庭之間一作次詩礼者其唯吾黨東溪乎屬事徵詞實假會文之友况吾子以言以立可久可大作者之意不推系召南之什宜用緇衣之美副焉

送巴東林明府之任序

段陽詹

國以人為本縣令親人之親者苟有命綬無非慎擇今年政執又加精選自吏曹銓擬仕集作狂而退下者十之五六濟南杯公以始仕之調發劓之及請宰一邑天官劇巴東也而使為之平衡無凝均軸不轉非輕厘質器日以昭如則安可於其難而易若此解褐綬當時之盛既受牒恭命而南征集作齊公與予鄉而且故幼而知公行先鄉典譽是通閭井之意術以經明集作明經升實探教化之本今有社稷有人民則弓矢入養叔之手徽絃在師曠之膝何微之不中何妙之不盡去矣無使朱邑魯恭專美乎集有是官其餘則巫峽峨岷江湯湯水天下江山天下秀游盤貴境為池為壖退公暇而集作多暇為我迴睇

送鹽山林少府之任序

前人

新授鹽山尉孝廉郎濟南林君脂轄東轅蒞官也鹽山滄州之屬邑也集作滄州戎狄接境之地國家虞守之會東南居恃力之卒西北有矜功之衆從事之劇惟天下先若非機足應權達能通變則不之與也公以二善而時與之夫騏驥未馳知有致遠之能集作于將未割知有刺堅之功堂堂林君不假曾試集作假道集作假試吏嶧桐嶰竹必中音律勉以能事為邦之光祿者所以食為國俸者所以表集作人贊時予尚知之而君豈不知之苟知之何往而不利

送常熟許少府之任序

前人

始入仕一有縣尉或上或緊銓衡評才若他稱而命之至於緊無得幸而處而緊中之美者尤難以人今年孝廉郎高陽許君授常熟尉者實緊中之美君十三舉明經十六登第後三舉進士皆屈於命去冬以前明經從常調蔭資貴中之乙判居等外之甲既才且地擢以是官夏四月隨牒之官四字集作隨玉貌青春芬芳有舊望棠陰而委質鬱蘭陔以辭親征車轉轉所往在目異時九仞由茲一簣在邦猶家也不出於忠信許君常以為已任夫何郵哉士之生制四方之制軫念於離別非所以士也行哉乎

送建上人訪陽司業後詣涇源劉行軍序 前人

建上人自茲又集作西更為故人也至集作咸山有道釋子建上人元和之淳氣以類何休神遂性曩與小司成陽公得于林棲公從下風之請斯縻大君之爵同方相致殊途且來雖羈鷲宜鴻一飛一籠遐心遠意終共超曠遊佛廟賞虛集作臺湖水

片玉光絜并裕來為去始終實聚終上人故人何在西土曰大
夢未覺還宜一歡陶瓶亡履此焉而往來路看集作首悠然高
雲西之人幾而覲栢松之本集作無凡草鸞鷲之侶無凡禽西
之人豈陽公之傳歟則集無則字集無覲遇之辰瓊玖之列詩云集無雲字集無可
頌德觀於斯其撰之竹帛儻傳俾後之人知貞元是歲賢人之
會二也

送無知上人往五臺山序

天生永存旨不易厚綿兮在煩滴兮處渾釋氏子味其實歸其
教雖傳非言可言唯相似者復到其門元知上人其到門者歟
上人從儒至道從道至釋如歷星月以得白日若投集作扇集作翼
而灑長風真空洞照熱惱頓書水其性雲其身周四海以終靜
出六合而非寄維揚秋杪方至自閩日未成旬作臺山之適目

關河於不計擬依食乎隨施怡如也以此一作行達流得抵集作
虛舟無程峨峨五峯幾日而上登異清涼侶善知識所至也之
至玄之又玄乎予弼冠之年周集作世諦之學神不遠建溺在
利名集作禮足而別懷然自傷岐路既殊聊各以行勉哉無知
公勉哉毆陽主

送李孝廉及弟東歸序

前人

明輕自漢而還取士之嘉也經也者聖人講善之錄志立身正
家齊國理在乎其中為人之父集作莫不歆其子之明為人之
君集作莫不歆其人之明明斯行斯近則平乎性命遠則成乎
政令爾來加取被與屬詞之流更曰進士則近於古人之立言
也為時稍稱其僥倖浮簿之輩希以無為有雖中乾外矯集作
多捨明趨進俾去華孰集作實君子惡以真混假含章抱器半

捨進為明新及弟李孝廉則含章抱器捨進為明者哲哲肌骨
松寒玉清以志學升大學以學就升宗伯背文手沾義口占二
載集作工不往集作皇鄭復來投短書出長卷精博集作炳煥
傳倫喪然聖朝貞元癸丑歲明經登者不止集作百人李庶冠
其首非獨學勝亦以文聞則具集作我芳華之加典實不惡夫
僥倖浮簿角力於此與屬詞並失分弓未知鹿死誰乎不為也
拾紫青之有路獻榮名以趨庭長途春光我美多彼噫畫藝而
適猶有前文家食非明時相待之意孝廉其志之

送鴻儒卿赴卿舉序

前人

三拆肱為良醫予五升詞場四遭倚撫是以竊知乎大則洪氏
于舉秀才前後集作非勝員予得而廣集作天子集作黻黼之性
加好勤苦之節紡績墳典織組篇什觀經緯機杼則重錦繡段

日日當成今年秋預貢士首薦

五字集作士果居首薦

歌鹿鳴以飲集作

餞想鵬搏而飭駕金欵入

集作

鍛玉將就磨光芒隸朝夕以冀

迴鴈賓海秋風落山雖難別離問集作慶無恨中鵠餘矢猶思
再發升冬玄月期會于關下

送族叔行元落弟歸廣陵序

前人

族叔行元既射策與主司不合春二月將歸淮南所寓群公設
祖方獻未酬族集作此字叔悄然有不暢之色群公亦愕爾而阻然
小子侍觴奉觴而前日歸好事春美時酒樂物叔於三者加同
人將之而有未悅豈禮闈失意之為乎昆吾產金荆山產玉自
民役巧鎔琢蓋多唯干將和璞有大聞非百練則其工集作良
可用歟非三獻而其實可集作真歟苟良為真不即成不即售
適以精其研念其實如叔也亦何稽於一邂逅哉若昔之人作

必行動必中則是蘇秦無履穿之糞穽威無石爛之歌孫弘無
十上之勤商鞅無再干之勞也知泰而不知否知易而不知難
是非人也非所以待乎叔也叔如之何叔忻然見卞氏又集作
來之路平歸心納春景安酒意四坐以叶千鍾有娛既醉升車
秋為朝期

送薛太信歸臨晉序

呂溫

先師曰益者三友吾能得之豈唯直諒多聞而已可以旁魄天
人談堯舜之道則有吾族况旱可以根本性情語顏夷之行則
有大原王師簡可以發揚古訓論三代之文則有河東薛太信
此三君子或道樂我或行以約我或文以博我遭時則有光道
世則無悶其為益也不足文乎大信與予最舊始以孝悌餘力
皆學於廣陵之靈巖寺雲卷其身討論數歲嘗見大信述作必

根乎六經取禮之簡樂之易

六字集作禮之簡要

詩之此典書之典刑春

秋之褒貶大易之變化錯落混合淨潔特立不離聖域而逸軌

絕塵不易雅制而壞姿萬變有若雲起日觀盡城并霞峯折靈

掌無非峻勢皆天光期映秀氣孤拔豈藻飾而削成者哉聖上

方欲觀人之文潤色鴻業秉筆者如三光得天每賀大信有其

時矣無何余被鄉曲之賦舉于闕下以文乖時體以

集無以字行失

俗譽再為有司所出此詩大信亦與計皆知機全高匪又不誠

昔趙殺鳴犢仲尼臨河而遊予之見黜子之逡述事雖不同具

所感一也歲八月以姑妃之戀告予于歸予思古人有處有贈

乃語之曰吾聞賢者志其大者文為道之飾道為文之本專其

飾則道喪反其本則文存且使不存又何傷矣從邦是堯舜之

遺俗唐叔之所理必有忠信如君者焉問安之暇可處之與琢

磨仁義浸潤道德考皇王治亂之迹求聖哲行藏之旨達可以濟乎天下窮可以據其光明無為吃吃筆硯間也行矣大信苟非同志勿失予言

文苑英華卷第七百二十九

登仕郎胡柯 鄉貢進士彭叔夏 校正

送靈澈上人序相韻文粹作聳鄙夫聳粹作絕勝集作遺身世三

粹作深入粹作為數此下粹

文苑英華卷第七百三十 序三十二

餞送十三

送友人遊蜀序一首 送鄭尚書序一首

送殷負外使還鵲序一首 送許使君制郢州序一首

送鄭十校理序一首

送河中楊少尹廢子歸鄉序一首

送幽州李端公序一首 送水陸運使韓潭州序一首

送楊儀之歸潭州序一首 送實從事平序一首

送孟東野序一首 送李愿歸盤谷序一首

送董邵南遊河北序一首 送區冊序一首

送令縱上人遷序一首 送開師上人序一首

送李礎判官正字歸湖南序一首

送友人遊蜀序

呂溫

始吾挹至源之貌若隴底積雪聳寒木於雲谿次吾覽至源之
文若驅龍追走集作相追弄明月於泉窟未吾聽至源之若論
大山欵兩倒雲氣欲滄溟如其貌可以振肅周行如其文可以
光潤石渠如其論可以感動宣室而淪蕩江海垂二十年則不
知天所以生之之意貞元甲乙歲以親故勸勉來遊京師特然
後言無辨以動衆樂然後笑歛以接物義然後取無食以寧居
慨然悔之決策長往因登紫閣而指曰西南青冥色連岷峨吾
行何歸山盡則往翌日告別於友人太原王玄運顧謂予曰高
雲出岫無時雨之會與風悠揚轉遠而散若至源者其猶雲耶
盍亦贈之序予和汝

送鄭權尚書

韓愈

嶺之南其州七十其二十二頡嶺南節度府其四十愈分四府
府各置帥然獨嶺南節度為大府大府始至四府必使其左啓
問起居謝守地不得即賀以為禮歲時必遣賀問致水土物大
府帥或道過其府府必戎服左握刀右屬弓矢帕首袴鞬迎于
郊及既至大府帥先入據館帥守屏若將趨入拜庭之為者大
府與之為讓至一至再乃敢改報以賓主見適位執爵皆與拜
不許刀止爰若小侯之事大國有大事諮而後行隸府之州離
府遠者至三十里懸隔山海使必數月而後能至蠻夷悍輕易
怨以變其南州皆岸大海多島飄集作風一日踔數千里漫瀾
不見蹤跡控御失所依險阻結黨仇機毒矢以待將吏撞搪呼
號以相和應蜂屯蟻雜不可爬梳好則人恕則獸故常簿其征
入簡節條條集作而踈條集作目時有所遺漏不究切之長養以兒子至紛

不可治乃草薙而禽獮之盡根株庸斷乃止其海外雜國若耽
羅浮流求毛人夷亶之州林邑扶南直隸于阗利之屬東南際
天地以萬數或時候風朝朝貢蠻胡賈人舶交海中若嶺南帥
得其人則一邊盡治不相寇盜賊殺無風魚之灾水旱癘毒之
患外國之貨日至珠香家犀璠瑁奇物溢於中國不可勝用故
選詩常重於他帥鎮非有文武威風知大體可畏信者則不幸
往往有事長慶三年四月以工部尚書鄭公為刑部尚書兼御
史大夫往踐其任鄭以常以節鎮襄陽又帥滄景德棣歷河南
尹華州制史皆有功德皆稱道入朝為金吾將軍散騎常侍工
部集有侍
郎二字尚書家屬百人無數畝之宅僦屋以居可謂貴而能
貧為仁者不富之効也及是命朝廷莫不悅將行公鄉大夫士
苟能詩者咸相率為詩以美朝政以慰公幸行之思韻必以

來字所以祝使公誠政而來歸疾也

送殷侗員外使迴鵲亭

前人

唐受天命為天子凡四方萬國不問海內外無小大感臣順於
朝時節貢水土百物大者特來小者附集元和睿聖文武皇帝
既嗣位悉治方內就法度十二年詔曰四方萬國唯迴鵲於唐
最親奉職尤謹丞相其選宗室四品一人李孝持節往賜君長
告朕之集作
之朕意又選學有經術集作
法通知時事者一人與之為
貳由是殷侯侗自太常博士遷尚書虞部員外郎兼侍御史朱
衣象笏承命以行朝之太夫莫不出餞酒半右庶子韓愈執盞
言曰殷侯一作
大夫今人適數百里出門惘惘有別離可憐之色
持集作
襍被入直三省丁寧顧婢子語刺刺不能休今子使萬里
外國獨無幾微出於言面豈不真知輕重大丈夫哉丞相以子

應詔真誠知人矣士不通經果不足用是相屬為詩以道其行云

送許使君刺郢州志雍序

前人

愈嘗以書自通於公頓累數百言其大要也言先達之士得人而托之則道德彰而名問集作流後進之士得人而託之則事業顯而爵位通下有矜乎能上有矜乎位雖恒相求而喜不相遇于公不以其言為不可復書曰足下之言皆是矣三字集作是也于公身居方伯之尊蓄不世出群之才而能與卑鄙庸陋相應答如影響是非忠乎君而樂乎善以國家之務為已任者乎愈雖不敢私其大恩抑不可不謂之知己恒矜而誦之情已至而事不從小人之所不為也故於使君之行道刺史之事以為干公贈凡天下之事成於自同而敗於自異為刺史者恒私於其民

不以實應乎應為觀察使者恒急於其賦不以其情信乎州郡

由是刺史不安其官觀察使不得其政財已竭而斂不休人已

窮而賦韓集舉愈急其不去為盜也亦幸矣誠使刺史不私於

其民觀察使不急於其賦刺史曰吾州之民天下之民也惠不

可以獨厚觀察使亦曰某州之民天下之民也斂不可以獨急

如是而政不均令不行者未之有也其前集有言者于公既已

信而行之矣今之言者其有不信乎縣之於州猶州之於府也

有以事乎上有以臨乎下同則成異則敗者皆然也非使君之

賢其誰能從集作之愈於使君非燕遊一朝之好也故其贈行

不以頌而以規

送鄭十郊理序

前人

秘書御府也天子猶以為外且遠不得朝夕視始更聚書於集

賢殿別置校誰官曰學士曰校理常以寵丞相為大學士其他
學士皆達官也校理則用天下之名士集作能文學者苟在選
不計其秩次唯所用之由是咸賢之書盛積盡祕書所有不能
處其半者日益多官日益重四年鄭生涵始以長安尉選為校
理人皆曰是宰相子能恭儉守教訓好古義施於文辭者如是
而在選公鄉大夫家選之子弟其勸耳矣愈為博士也始事相
公於祭酒分教東都生也事相公於東大學今為郎於都官也
又事相公於居守三為屬吏經時五年觀道德於前後聽教訓
於左右可謂親薰而炙之矣其高大遠密者不敢隱度論也其
勤已而務博施以己之有欲人之能不知古君子何如爾今生
始進仕獲重語於天下而慚慚若不足真能守其家法矣其在
門集作下集作者可進賀也末告來寧朝夕侍側東都士大夫不得見

其面於其行日分司郎吏與留守之從事竊載酒肴席定昇門
外盛賓客以餞之既醉各為詩五韻且屬愈為序

送楊巨源少尹序

前人

昔疏集作疎集作廣受二子以年老一朝辭佞而去于時公卿設供悵

漢書

張祖道都門列車數百兩道路觀者多歎息泣下共言其賢

漢使既傳其事而後世工畫者又圖其迹至今照人耳目赫赫

若前日事國子司業楊君巨源方以能訓訓後進一旦以年滿

七十亦白丞相去歸其鄉世嘗說古今人不相方集作今楊與

二疏豈不異意耶集作其意豈意也余集作忝在公鄉後遇病不能出

不知楊侯去時城門外送者幾人車數兩馬幾亦作道邊觀

者亦有歎息而幾無知其為賢以否而太史氏又能張大其事

為傳繼二疏蹤跡否不落莫否見今世無工畫者集有畫與不

盡固不論也然吾聞楊侯之去丞相有愛而惜之者署以為其都少尹不絕其祿又為歌詩以歎之京師之長於詩者亦屬而和之又不知當時二疏之去有事是否古今人同不同未可知也中世士大夫以官為家罷則無所於歸楊侯始冠舉於其鄉歌鹿鳴而來也今之歸指其樹曰某樹吾先人之所種也某水某丘吾童子時所釣游也鄉人莫不加敬誠集作子孫以楊侯不去其鄉為法古之所謂鄉先生沒而可祭於杜者其在斯人歟其在斯人歟

送幽州李端公序

前人

元年集作春今相國李公藩為吏部員外郎愈嘗與借朝道語幽州司徒公劉之賢曰某前年被詔告禮幽州入其地逐勞之使累文粹至每進益恭及郊司徒公紅帕慄作首鞞袴握刀杭

有在

左右雜佩弓張

集作

服矢插房俯立迎道

問本

左某禮辭

曰公天子之宰禮不可如是及府又以其服執集作事某又曰

集作

公三公不可以將服承命及館又如是集作卒不得辭上堂即

客階

文粹有

座必東嚮愈曰國家矢大平於今六十年矣十日

十二相配數窮六十其將復平平

朝集舉正

必自幽州始亂之

所出也今天子大聖司徒公勤於禮廢幾師先河南北之將來觀奉職如開元時乎李公曰然今李公既朝夕左右必數數為上春元年之言殆合矣端公歲時來壽其親東都東都之士大夫一作大莫不拜于門其為人佐甚忠意欲司徒公功名流千萬歲請以愈言為使歸之獻

逐勞文粹作

送水陸運使歸約一作重華侍御歸所治序

前人

六年冬振武軍吏走驛馬詣闕告饑公卿迂議以轉運使不得

其人宜選才幹之士往換之吾族子重華適當其任至則出賊
罪吏九百餘人脫其桎梏結來耜與牛使耕其傍便近地以償
所負釋其粟之在吏者四十萬斛不徵吏得去罪死假種糧蔭
平人有以自郊莫不涕泣感奮相率盡力以奉其令而又為之
奔走經營相原隰之宜指授方法故連二歲大熟吏得盡償其
所亡失四十萬斛者而私有其贏餘得以蘇息軍不復飢君曰
此未足為天子言請益募人十五屯屯置百三十人而種百頃
今各就高為堡東起振武轉而西過雲州界極於中受降城出
入河河山之際集作六百餘里也保相望夜來不能為暴人得
肆耕其中少可以罷漕輓之費朝廷從其議秋果倍收歲省度
支錢千三百萬八年詔拜殿中侍御史錫服朱銀其東來朝奏
曰得益開田四千頃則盡可以給塞下五城矣夫田五千頃法

當用人七千臣今吏於無事時督習公矢為戰守備因可以制
虜度幾所謂兵農兼事務一而兩得者也大臣方持其議吾以
為邊軍皆不知耕作問口望哺有司常僦人以車船自他群往
輸乘沙逆河遠者數千里人畜死蹄踵交道費不可勝計中間
坐集有耗虛而邊吏恒苦食不繼今君所請田皆故秦漢時郡
縣地其課績又已驗白共從其言其利未可遽以一二數也今
天子方舉群策以收太平之功寧使士有不盡用之歎懷竒見
集作死而不得施設也君又何憂而中臺士大夫亦同言侍御韓
君前領三縣紀綱三集作州奏課常為天下第一行其計於邊
其功烈又赫赫如此使盡用其策西此邊故所沒地可指期而
有也聞其歸皆相勉為詩以推大之而屬予為序

送楊儀之支使歸潭州序

前人

愈在京師時嘗聞當今藩翰之賓客惟宣州為多賢愈歎之游者有二人焉隴西李溥清河豈群與博之為人吾知之道不行於主人與之類者非類雖有享之以季氏之富不一曰留也以群博論之凡在宣州之幕下者雖不得盡集作與之荐皆可信而得其為人矣愈未嘗至宣州而樂頌其主人之賢者以其取人信之也今中丞之在朝愈日待言於門下其來而鎮鎮集作茲也也有問湖南之賓客者愈曰知其客可以信其主者宣州也知其主可以信其客者湖南也去年冬奉詔為為於陽山然後得謁湖南之賓客於幕下於是知前之信之也不失矣及儀之之來也聞其言而見其行自於是以下二十三字集作及支使信之也則向之所謂群與博者於吾何先後焉儀之集作明集不失矣則向之所謂群與博者於吾何先後焉儀之集作明集智足以造謀材足以立事忠足以勤上惠足以存下而又侈之

以詩書六藝之學先聖賢集作之德音以盛集作其文以輔其質宜乎從事於是府而流聲實於天朝也夫樂道人之善以勤集作其歸者乃吾之心也謂我為邑長於斯而媚夫大云者不知言者也工乎詩者歌以繫之

送實平從事序

前人

踰甌閩而西集無此字南皆百越之地於天文其次星紀其星牽牛連山隔其陰鉅海集作其陽是維集作島居集作卉服之民風氣集作之殊著自在諸本昔唐之有天下號令之所加無異於遠近民俗既遷風氣亦隨雪霜時降癘疫不興瀕海之饒固如其諸本作初是以人之之集作南海者如東西州焉皇帝臨御天下二十有二年詔工部侍郎趙植為廣州刺史盡牧南海之民署從事扶風實平平以以文辭進於是集作行也其旅人

殿中侍御史年合東都交遊之能文者二十有八人賦詩以贈之於是昌黎朝愈嘉趙南海之能得其人壯從事之谷於知我不憚行於遠也又樂集有其字貽周之愛其族叔父能合文詞以寵榮之作送竇從事少府平叙

知我京本袁州並作知已

送孟野序

前人

大凡物不得其平則鳴草木之無聲風蕩之鳴其躍也或激之其趨也或梗之其沸也或灸之金石之無聲或擊之鳴人之於言也亦然有不得已者而後言其歌也有思其哭也有懷凡出乎口而為聲者其皆有不集作平者乎樂也者鬱於中而泄於外者也擇其善鳴者而假之鳴金石絲竹匏土革木八者物之善鳴者也維天之於時也亦然擇其善鳴者而假之鳴是故以鳥鳴春以雷鳴夏以蟲鳴秋以風鳴冬四時之相推敘其必有

不得其平者乎其於人也亦然人聲之精者為言文詞之於言又其精也尤擇其善者而假之鳴其在於唐虞咎繇禹其善鳴者也而假之以鳴夔不集作以文辭鳴又自假於韶以鳴夏

之時五字以其歌鳴伊尹鳴殺周公鳴周凡載於詩書六藝皆鳴之善者也周之衰孔子之徒鳴之其莊周聲大而遠傳曰天將以夫子為木鐸其弗信矣乎其末也莊周以其沉唐之詞鳴

集有於楚二字非楚大國也其亡也屈原以集作以鳴臧孫辰

孟軻荀卿以道鳴者也揚朱墨翟管夷吾晏嬰老聃申不害韓非慎到田駢鄒衍戶佼孫武張儀蘇秦之屬皆以其術鳴秦之

興李斯鳴之漢之時司馬遷相如楊稚最善鳴者也其下魏晉氏鳴者不及於古然亦未嘗絕也就其善鳴者其聲清以浮集其節數以急其詞遙以衰其志弛以肆其為言也亂集作雜

而無章將天醜其德莫之顧耶為而集作不鳴其善鳴者也唐
之有天下陳子昂蘇源明元結李白杜甫李觀皆以其所能鳴
其存而在下者孟孝東野始以其詩鳴其高出晉魏不鮮而及
於古其他浸淫乎漢氏矣從吾游者李翱張籍其尤也三子者
之鳴信善鳴矣抑不知天將和其聲而使鳴國家之盛耶抑
將窮餓其身思愁其心腸而使自鳴其不幸耶三子者之命則
有懸乎天矣其在上也奚以喜其在下也奚以非東野之後江
南也有若不釋者然集作不憚故吾道其命於天者集有解之

送李愿歸盤谷序

前人

太行之陽有盤谷盤谷之間泉甘而土肥草木叢茂居民鮮少
或集作謂其環兩山之間故曰盤或曰是谷也宅幽而勢阻隱
者之所盤施此石本無友人李愿居之愿之言曰人之集有稱大丈夫

夫者我知之矣利澤施於集作人名聲昭乎集作時作於廟朝
文粹進退百官而佐天出令其在外則樹旗旄羅弓矣武夫前
可從者塞塗供給之人各執其物夾道而疾馳喜有賜集作恕
有刑才俊集作滿前道古今而譽盛德入耳而不煩曲肩豐頰
清聲而便體秀外而惠中飄輕裾醫長袖粉白黛綠者列屋而
閑居如寵而負恃爭妍而取憐大丈夫之遇知於主上集作用
力於當世者之集有為也吾非惡此而逃之是有命焉不可幸
而致也窮居而野處升高而遠望集作坐茂樹以終日濯清泉
以自潔采於山美可茹釣於水鮮可食起居無時唯適之集作
安與其集有譽於前孰若無毀於其後與其集有樂於身孰若
無憂於其心車服不維刀鋸不加理亂不知黜陟不聞大丈夫
不遇時者為之二字集作也我則行之伺候於公卿之門奔走

於刑勢之途足將進而趨趨口將言而躡需處汗穢而不羞觴
則辟而誅戮僥僥於萬一老死而後止其於為人賢不肖何如
也昌黎韓愈聞其言而壯之與之酒而為歌曰

盤之終維子之宮盤之士維子之嫁四字石本作可以稼盤之

泉可濯可集作沿四字而一作與可盤之阻誰爭子所劫而深廓其

有容繚而曲如往而復嗟盤之樂了樂且無央虎豹遠跡兮蛟

龍遁藏鬼神守護兮呵禁不詳飲且集作食兮集作壽而康無

不足兮奚所往膏吾車兮秣吾馬從子于盤兮終吾生以徜徉

送董邵南遊河北序

前人

燕趙古稱多感慨悲歌之士董生舉士連不得志於有司懷抱
利器鬱鬱適茲土吾知其必有合也董生勉乎哉夫以子之不
遇時苟慕義強仁者皆愛惜焉矧燕趙之士出乎其情集作性者

哉然吾嘗聞風俗與化移易吾惡知其今不異於吾集作所聞

集作邪聊以吾子之行卜之也董生勉乎哉吾因子有集作感

矣為我弔望語君之墓而觀於其市復有昔時屠狗者乎為我

謝曰明天子在上司集作出而仕矣

送區冊序

前人

陽山天下之窮處也陸有丘陸之險虎豹之虞水有文粹無江

流悍急橫波之石廉利侔劍戟舟集有上上失時破破淪弱者

往往有之縣郭無居民官無丞尉夾江荒茅篁集作竹之間小

吏十餘家皆鳥言夷面始至言說而相通晝也為字然後可告

以出租賦奉期約是以賓客遊從之士無所為而至愈待罪於

斯且半歲集有有區生者誓言相言自南海挈舟而來升自賈

階儀觀集作甚席坐與之語文義卓然莊周云逃空虛者聞人

足音跂然而喜矣况如斯此文粹無人者豈意得哉集作入吾室

聞詩書仁義之說欣然喜若有志乎集作其間也集有與之翳

嘉林坐石磯投竿而漁陶然而集有樂若能遺外聲利而不厭

乎此文粹無貧賤也歲之初吉文粹歸覲文粹其親酒壺既傾序

以識別

送令縱上人西遊前

前人

其行以其情同君子與其進可也令縱釋氏之秀者又善為文

浮泛集作倘佯跡接天下藩維大臣文武豪士令縱未始不褰

裳而負業往造其門下有尊行美德建功植集作業令縱從而

為之頌歌集作頌典而不諛麗而不淫其有中古之遺風歟及促

席接集作風可集作典來問致密促席接集作譏評文章商較人士浩浩

乎不窮惜惜乎深而有歸於是乎吾忘令縱之為釋氏之子也

其來也雲凝其去也風林方歡而已辭雖義而不求吾於令縱

不知其不可也蓋賦歌集作詩以道其行乎

送高閑上人序

苟可以寓其巧智使機應於心不挫於氣則神完而守固雖外

物至不膠於心堯舜禹湯治天下養叔治射庖丁治牛師曠治

音聲扁鵲治病僚之於九秋之於奕伯倫之於久樂之終身不

厭奚暇外慕夫外慕徒業者皆不造其堂不齊其歲者也往者

集作張旭善草書不治化枝喜焉草書怒焉草書八字集窘窮

憂悲愉佚恣恨思慕酣醉無聊不平有動於心必於草書焉發

之觀於物見山水崖谷鳥獸蟲魚草木之花實日月列宿集作

風雨水大雷霆霹靂歌舞戰鬥天地事物之變可喜可愕一寓
於書故旭之書變動猶鬼神不可端倪以此終其身而名後世

今閑之於草書有旭之心哉不得其心而逐其跡未見其能旭也為旭有道利害必明無遺錙銖情集作精炎於中利欲闢佳有得有喪勃然不釋然後一次於書而後旭可幾也今閑師浮屠氏一死生解外繆集作膠是其為心必泊然無所其於杭本作於起其世必淡然無所嗜泊與淡相遭頽墜集作墜委靡瀆散集作不可收拾則其於書得無相之然吾聞浮屠人善閣本作喜幼多技能閑集有師字如通其術則不能不能知矣

送李礎判官正字歸湖南序

前人

貞元中愈從太傅隴西公平汴州李先生之尊父以待銜史管汴之益鐵日為酒殺羊享賓客李先生則尚與其弟學讀書習文詞以舉進士為業餘於太傅府年最少故得交李先生父子間薨軍亂軍司馬從事皆死待御亦被諛為民日州礎之父仁鈞沅愛英華作申

1875

